

পৌষ-লক্ষ্মী

১৩৫০ সালের পৌষ মাস। পঞ্জাশ হল শয়ের অর্ধেক। শয়ে শুন্ত। শয়ের অর্ধেক পঞ্জাশেও গাঁয়ের অর্ধেক লোক বেড়ে মুছে নিয়ে গেছে, বাকী অর্ধেক ঘারা আছে ভারাও আধমরা, হিসাব ঠিক আছে। গাঁয়ের প্রবীণেরা এবং বিচক্ষণেরা পালপাড়ায় কালীঘরের সামনে অশ্বত্তলায় বসে তামাক খেতে খেতে সেই কথারই আলোচনা করে। এক ছিলিম তামাকেই গোটা মজলিসের এখন পরিচৃষ্টি হয়, কলকে আজকাল আর দুটো লাগে না ; যে তামাক এক এক জনে পুরো এক ছিলিম খেয়েও তৃপ্তি পেত না, সেই তামাক দুটান টেনেই লোকে এখন কাশতে শুরু করে, বুকে শেঁশ্বা ঘড়ুড় করে উঠে। এবারের বামের ঠাণ্ডা জমে শেঁশ্বা হয়ে মাছুষের ম্যালেরিয়া-জীর্ণ বুকে জমে বসেছে গাঁয়ের খিড়কি-ডোবার পচা জলে থক থকে দলাশের মত।

সবচেয়ে বয়স বেশি মুকুল পালের—যাট-পঁয়য়টি হবে। ভারিকি লোক। কালো কমকষে রঙ পালের, এককালে জোয়ানও ছিল খুব ভারি, তখন নাকি মাথায় ছিল বাবরি-চুলের বাহার। এখন পাল বুড়ো হয়েছে, তার ওপর এবারকার ম্যালেরিয়ায় ভুগে বার-কয়েক ধোপার পাটায় আচাড়-খাওয়া পুরানো কাপড়ের মতই এতবড় দেহথানা তার জ্যাল-জ্যাল করছে। মাথার চুলগুলি একেবারে কদমফুলি হাঁটে হাঁটা, এখন পেকে সাদা ধপধপ করছে; পাল প্রায়ই এখন মাথায় হাত বুলায়, খুঁটিয়ে হাঁটা চুলগুলির কড়া ডগার উজানের টানে হাতের তালুতে বেশ স্বত্ত্বাদি লাগে।

পাল হাঁকাটা ঘোষের হাতে দিয়ে বলে, একবার ষদি কেউ পুরো এক ছিলিম তামাক খেতে পারে ঘোষ—। বলেই সে কাশতে আরম্ভ করে। কেশে, কাণির ধূক সামলে কথাটা শেষ করে—তবে আর বুকে মালিশ লাগে না। বেবাক শেঁশ্বা, বুরেছ ? আবার এক ধূক কাণি আসে, এবার মোটা এক চাকা শেঁশ্বা ও উঠে যায়, পাল আরাম পায়। ঘোষ তখন কাশতে শুরু করেছে। তারপর আরম্ভ হয় শয়ের অর্ধেক পঞ্জাশের আলোচনা। হিসাব-নিকাশ ঠিক আছে। চিত্রগুপ্তের কলম। ভুল কি হয় ?

ঘোষ কয়েকবার ঘাড় নেড়ে বললে, তা হয়। মুনি-ঝিদেরই মতি-বেভ্রম হয়, তা চিত্রগুপ্ত। হাজার হলেও চিত্রগুপ্ত তো বায়ুন নয়, কায়দা—এবারেই ভুল হয়েছে।

সকলে আশ্চর্য হয়ে যায়। কি ভুল হল ? এ ওর মূখের দিকে তাকায়।

নদীর ধার পর্যন্ত খোলা পূর্বদিকের পানে হাত বাড়িয়ে দেখিয়ে ঘোষ বলে, ধান।

পূর্বদিকে নদীর ধার পর্যন্ত গাঁয়ের মাঠ, তিন ভাগে ভাগ করা—ষাঁড়া জোল, মাঘের জোল, বেনো কুল। নামেই তিন ভাগে ভাগ করা, নইলে মাঠ একটাই। গ্রামের কোল থেকে নদীর ধার পর্যন্ত স্ববিত্তীর্ণ ধানক্ষেত্র। গোটা মাঠখানি এবার ধানে থইথই করছে, সোনার বরণ রঙ ধরে এসেছে। খই ধানই জীবনকাঠি, মরণকাঠি ; এবারের ধান ঘরে উঠলে জীবন

থাকবে, নইলে মরণ—অবধারিত মরণ, তাতে আর কোনোও সন্দেহ নাই। ভৱসাৰ মধ্যে বাগ-দীকাহার-মুচিৰা যাবা ঘৰ ছেড়ে পালিয়েছে, তাৰা যদি ফিরে আসে। আৱ যদি আসে দুয়কা থেকে সাওতালেৰ দল।

গায়েৰ বাগদী-কাহার মুচি এদেৱ যাবা দিনমজুৱি থাটে, চাষ কৰে না, তাৰা প্ৰতি বছৱই বৰ্ধাৰ সমষ্টি গাঁ ছেড়ে চলে যায়। বিশেষ কৰে অজন্মা আকাঙ্ক্ষা হলৈ সেবাৰ দল বৈধে চলে যায়, অজন্মা না হলৈও দু ঘৰ এক ঘৰ যায়, আবাৰ কেৱে এই ধান কাটাৰ সমষ্টি। কেউ কেউ সেই বছৱই ফেৱে, কেউ কেউ ফেৱে পাঁচ বছৱ পৱ, কেউ বা ফেৱে এক পূৰুষ পৱ। দল বৈধে ফেৱে এমনই বাহান্ন পউটিৰ বছৱে, ধানে ধানে ছল্পাপেৰ পোষে। ওৱা এমনই ধাৰা সুখেৰ পায়ৱা চিৰকাল, দুঃখেৰ ঘৰে থাকা ওদেৱ স্বভাৱেৰ বাইৱে। সকল সুখেৰ মূল ঘথন লক্ষ্মী, তখন এবাৰ ওৱা আসবে—এই ভৱসা নিয়ে খানিকটা শাস্তি পায় পাল মশায়েৱা। সকালে বিকালে ঠুকঠুক কৰে যায় ওদেৱ পৱিত্যক্তি পাড়াটাৰ দিকে। পড়ো ভাঙ্গা বাড়িগুলো থোঁজ কৰে, পাড়াৰ বাইৱে বটবাগানেৰ বটগাছগুলোৰ তপ্পাৰ দিকে চায়। এখানে থোঁজ কৰে, নৃতন আগন্তক কেউ এল কি না! এ গ্ৰাম থেকে পালিয়ে যেমন এখানকাৰ ওৱা অন্য গ্ৰামে যায়, তেমন অন্য গ্ৰামেৰ তাৰাও তো এ গ্ৰামে আসতে পাৱে! তেমন-যাবা আসে, তাৰা প্ৰথম বাসা পতন কৰে এই বটবাগানে কোনো গাছেৰ তলায়। কিন্তু কেউ আসে নাই আজও পৰ্যন্ত। পালমশায়দেৱ উৎকঠাৰ সীমা নাই। থই-থই-কৱা ঘাঠ-ভৱা ধান, এ তাৰা তুলবে কি কৰে? রাত্ৰে ঘূৰ পৰ্যন্ত হয় না।

তবুও মাঠে ধান কাটা চলছে। কঞ্চ দুৰ্বল শৰীৰ বিয়েও মাঝুষ ভোৱবেলায় কাঁথা গায়ে দিয়ে কাণ্ডে হাতে মাঠে যায়। মাথায় গামছা বাঁধে কন্দটাৰেৰ মত। মাক দিয়ে টপ টপ কৰে জল ঝৰে, পৌষেৰ ভোৱেৰ শীতে হাতেৰ আঙুল বৈকে যায়, তবুও সেই আড়ষ্ট হাতেৰ মুঠায় কোনোমতে ধানেৰ ঝাড়ৰ গোড়া চেপে ধৰে ডান হাতেৰ কাণ্ডে টানে।

মুকুন্দ পালেৰ কৃষ্ণণ কাল থেকে জৱে পড়েছে। পালকে আজ নিজেকেই আসতে হয়েছে মাঠে। কিন্তু কাণ্ডে যেন চলছে না। হেঁট হয়ে কাণ্ডে টানতে কোমৰে টান ধৰে অসহ বেদনায় টৱটন কৰে উঠছে। যেন কোমৰেৱ দড়িৰ মত শিৰাগুলো শকিয়ে কাঠিৰ মত শক্ত হয়ে গেছে; হাড়েৰ গাঁটে গাঁটে জমে গেছে বালিতে মাটিতে জমাট বাঁধা পাঁথৰেৰ চাইয়েৰ মত। পাল কোমৰে হাত দুটি বেধে আন্তে আন্তে উঠে দাঢ়াল। হেঁট হয়ে থাকা যত কঠিন, হেঁট হয়ে কিছুক্ষণ সোঁজা হয়ে দাঢ়ানও তেমনই কঠিন। শাখেৰ কৱাত, যেতে কাটে, আসতেও কাটে, কোমৰেৰ ভিতৰে যেন শাখেৰ কৱাত চলছে মনে হচ্ছে।

—হায় ভগবান!—পাল উঠে দাঢ়িয়ে নিজেৰ কাজটুকুৰ দিকে চেয়ে দেখে আপনাৰ মনেই বললে, হায় ভগবান! শুধু আক্ষেপই নয়, নিদানৰণ লজ্জায় তাৰ মাথাৰে হেঁট হয়ে আসছে। আপনাৰ কাছেই মাথা হেঁট হচ্ছে। কভুকু কেটেছে সে। তালপাতায় বোনা চাটাই, লম্বাৰ পাঁচ হাত, চওড়ায় আড়াই হাত, এখানে বলে ‘তালাই’; এক তালাই-ভৱ জমিৰ ধানও কাটা হয় নাই।

হঠাতে তার চোখ কেটে অল এল। তার পুরনো কথা মনে পড়ে গেল। ছেলেবেলায় তার নদীরা তাকে বলত—গাদা। যৌবন মূরবিবরা তার নাম দিয়েছিল—ভীম। প্রৌত্ত্বে লোকে বলত—মোটা মোড়ল, এখনও বলে। মনে পড়ে গেল পুরনো আমলের ধান কাটার কথা। সে সব আজ কাহিনী মনে হচ্ছে। এমন মাঠ খই-খই-করা ধান এবাবেই নতুন নয়। কতবার হয়েছে। ভোরের আকাশে শুকতারা তখন জলজল করত অঁধাৰ ঘৰেৱ মানিকেৱ মত। উত্তৱ দিক থেকে সিৱসিৱ কৰে বয়ে যেত হাড়-কৰকনানি ঠাণ্ডা বাতাস। গাছপালার পাতা থেকে গাছপালার শুকনো পাতাৰ উপৱ সত্ত্ব সত্ত্ব টপটপ শব্দে শিশিৱ বৰত, ঘাসেৱ উপৱ পা দিলে গোড়ালি পৰ্যন্ত ভিজে যেত। পথেৱ ধূলাৰ উপৱ পাটালিৱ মত এক পুৰু ধূলা শিশিৱে ভিজে জমে থাকত, পা দিলে ভেঙে যেত। ধানেৱ মাঠে এলে, শিশিৱে-ভেজা নৱম ধানেৱ গাছে সে গঞ্জ; বেলায় এসে আজ পাওয়া যাচ্ছে না, কিন্তু সে গঞ্জ মনে আছে তার। সেই ভোৱ থেকে আৱলম্ব হত ধান-কাটা।

পাল তার হাতধানা যেলে ধৰলে চোখেৱ সামনে; এ হাতেৱ গ্রাস, লোকে বলে, এক পো চালেৱ ভাত ওঠে। এক পো কি আৱ ওঠে? লোকে বাড়িয়ে বলে। তবে তার হাতধানা প্ৰকাণ্ড। এই হাতেৱ এক মুঠায় সে খপখপ কৰে ধৰত ধানেৱ গোড়া আৱ ডান হাতে কাণ্ডেৱ এক টাৱে কেটে চলত ঘাস-কাটাৰ মত; তার এই মুঠাৰ তিন মুঠাৰ ধানে বাঁধা ধানেৱ অঁটি অন্ত লোকেৱ বাঁধা অঁটিৰ দ্বিগুণ না হোক, দেড়া মোটা হত। বেলা এক প্ৰহৱ যেতে না যেতে, রোদেৱ অঁচে ধানগাছ শুকিয়ে থড়মড়ে হবাৰ আগেই ক্ষেত্ৰে এ-মাথা থেকে ও-মাথা পৰ্যন্ত শেষ কৰে ফেলত।

বয়সেৱ সঙ্গে সঙ্গে সে শক্তি কমে আসাৱই কথা। তবুও গত বছৱ পৰ্যন্ত সে এক প্ৰহৱ বেলা পৰ্যন্ত আধধানা ক্ষেত্ৰে ধানও কেটেছে। কিন্তু এই কটা মাসে এ কি হল তার?

—কি কন্তা, ডোৰিয়ে রইচ যে? কি হল?

আপনাৱ ভাৰনাৰ মধ্যেই ডুবে গিয়েছিল পাল, তার মন উদাস হয়ে সেকালেৱ সেই আমলে চলে গিয়েছিল, মধ্যে মধ্যে এই জমিধাৰাই যেন দেখাচ্ছিল সমস্তটা কাটা হয়ে গেছে, এ-ধাৰ থেকে ও-ধাৰ পৰ্যন্ত, অঁটি অঁটি কৰে সাজানো বৱেছে কাটা ধান, ক্ষেত্ৰে লালচে থাটি দেখা যাচ্ছে, লালচে মাটিৰ উপৱ কাটা ধানেৱ গোড়া জেগে বৱেছে লাল ব্ৰহ্মেৱ দাবাৰ ছকেৱ উপৱ সাদা বৱে ঘুঁটিৰ মত।

পিছন থেকে কে ডেকে কথা বললে। পাল ঘূৰে দাঢ়াল। দৃষ্টিও কমে এসেছে। গেল বছৱ পৰ্যন্তও পাল বিনা চশমায় চট-সেলাই-কৱা শুচে শনেৱ ঝুতলিৰ দড়ি পৰিয়েছে, বস্তাৱ মুখ সেলাই কৱেছে। কিন্তু এই বছৱেৱ এক ধাক্কাতেই বেলা কাৰ্বাৰ কৰে দিলে, চাৰিদিকে ঝাপসা। তুলসী তলাৰ পিদিয় জালাৰ সময় হয়ে এল। আৱ একটা দীৰ্ঘনিষ্ঠাস কেলে পাল লোকটিৰ দিকে তাকিয়ে বললে, কে?

—আমি গো; চিৰতে পাৱছ না, না কি?

পালেৱ এবাৰ খেয়াল হল, ছোকৱা-মাঝুষেৱ গলা; মুহূৰ্তে সে শিনতে পাৱল ছোকৱাকে।

মন তার বিষয়ে উঠল ।

—নজর গেল তাহলে কস্তা ! আমি গো, চিকেট !

—চেকা ?

—ইঃ গো । বলি ডাঁরিয়ে রাইচ যে ?

তুই কোথা যাবি ? মাঠ থেকে পালিয়ে এলি নাকি ? জর এল ?

—জর ?—চিকেট হি-হি করে হাসতে লাগল ।—জর-ফর আমার কাছে থেঁথে না । সেই তোমার আধিন যাসে একবার । তার পরে বেড়ে ফেলে দিয়েছি ।

পালের বুক থেকে একটা নিখাস বেরিয়ে এল, সাপের গজরানির মত, নিখাসের সঙ্গেই সে বললে ছ’ ।

—মন আর মাস ও হল জরের যম । বুঘেচ ?—হি-হি করে আবার হাসতে লাগল চেকা ।

—তা যাবি কোথা, যা না কেনে ? ফ্যাকফ্যাক করে হাসতে বুঝি মজা লাগছে আমার ছামনে ডাঁরিয়ে ?

চেকা আবার হাসতে আরম্ভ করে দিলে । বললে, যাচ্ছি তোমার ওই মারের জোলে পাঁচ কিন্তে তিনি বিষের চকে—তোমার দরুন গো । এ থান সারা হয়ে গেল ।

পাল হঠাত হেঁট হয়ে ঘষঘষ শব্দে আবার ধান কাটতে আরম্ভ করে দিলে । চেকার কথার ওই ‘পাঁচ কিন্তে তিনি বিষে তোমার দরুন’ কথাটা তপ্ত লোহার শলার মত পালের বুকে যেন বিঁধে গিয়েছে । ওই জমিটা পালের কাছ থেকে চেকা অর্ধৎ শ্রীকৃষ্ণ কিনেছে এই বৎসরই বর্ষার ঠিক আগে । ধানের দুর আঠারো টাকা, চাল তিবিশ, পালকে বাধ্য হয়ে বেচতে হয়েছে । চেকা বোধ হয় খোচা মারবার জগ্নেই কথাটা বলেছে । খোচাটা লেগেছে পালের বুকে ।

চেকা তবু গেল না । দাঢ়িয়ে হাসতে লাগল । বললে, সেই সকাল থেকে এই এক তালাই কাটলে না কি ?

পাল এ কথারও কোন উত্তর দিলে না । সে ধান কেটেই চলল । চেকার এ কথার মধ্যেও হল আছে ।

—কস্তা !

পালের কোথার আবার কনকন, করে উঠেছে ; মনের জালার উপর শরীরের যন্ত্রণায় পাল এবার আর আত্মসম্বরণ করতে পারলে না । সে ধাঢ়া হয়ে উঠে দাঢ়াল দেহের উপর একটা হ্যাচকা টান মেরে, যট্ করে শব্দ হল হাড়ে । পাল রাগে অধীর হয়ে বলে উঠল, কেনে রে শালা, কেনে ? কি, বলছিস কি ?

চেকার হাসি বেড়ে গেল, সে চটপট শব্দে বার কয়েক বাই ঠুকে বললে, হবে না কি, এক হাত হবে না কি এই ধানের গদির উপর ?

বলেই সে দাঢ়াল না, নিতান্ত অক্ষমাং উচ্চকষ্টে একটা গান ধরে সে চলে গেল । পাল

চুপ করে দাঢ়িয়ে রইল কোমরে হাত দিয়ে। চোখ দিয়ে এবার তার জল গড়িয়ে পড়তে আবর্ণ করল।

মুকুল পাল—এককালের ভীম, প্রৌঢ় বয়সের মোটা মোড়ল, তাকে ঠাট্টা করে গেল ওই শ্রীকৃষ্ণ—চেকা। সবক্ষে মুকুলের মাতি, সমস্তা ঠাট্টারই বটে; কিন্তু এ ঠাট্টা মুকুলের পক্ষে মর্মাণ্ডিক।

শ্রীকৃষ্ণ এখন গ্রামের মধ্যে সকলের চেয়ে অবস্থাপন্ন চাষী। উঠানে গোলাম গোলায় ধান আছে, ঘরে টাকা আছে। মহামহিম শ্রীশ্রীকৃষ্ণ পাল বরাবরেষু বয়ানে লেখা এ গাঁয়ের লোকের সই কয়া খত আছে ওর ঘরে। ‘পাঁচ কিতে তিন বিদ্বের চক’ বলে সেই কথাটা চেকা ঠাট্টা করে বলে গেল। ওতে পাল বাথা পেয়েছে, দুখ পেয়েছে; কিন্তু ওর উপর হাত নাই। ও দুখ মনে মনেই চেপে রেখেছে মুকুল। কিন্তু ওই যে বাই ঠুকে বলে গেল—হনে নাকি এক হাত? ওর অর্থ হল, মুকুলের শরীরের এ অবস্থা দেখে সে তার সঙ্গে একদফা কুস্তি লড়তে চেয়ে গেল।

এককালের ছোকরাদের মধ্যে চেকাই হল সকলের চেয়ে বড় জোয়ান। পালের মুখে নিষ্পত্তি হাসি ফুটে উঠল। মনে পড়ল, বছর আষ্টেক আগে আয়ত্তির লড়াইয়ের আখড়ায় যথম শ্রীকৃষ্ণ সকলকে আচার্ড দিয়ে আখড়ার মাটির উপর নাট ঠুকে পড়ে ছিল, তখন হাসতে হাসতে মুকুল গিয়ে বলেছিল, কই আয় দেখি, আমার সঙ্গে আয় এক হাত।

অন্য পাঁচজনে, বিশেষ করে যগন্দ ঘোষ, তার হাত ধরে টেনে বলেছিল, ছি ছি ছি! তোমাকে না কি লড়তে হয় এই বালকের সঙ্গে! ছি!

শক্তি হয়ে বারণ করেছিল সবাই, পালের শরীরের যা ওজন, তাতে মে যাদি চেকার উপর কোনোমতে চেপে পড়ে, তাহলেই ছোড়াটা ধায়েল হয়ে যাবে। শক্তি হয় নাই শুধু ছিকেষ্ট, সঙ্গে সঙ্গে সে উঠে দাঢ়িয়ে হাত বাড়িয়ে দিয়ে বলেছিল, এই, হট যাও সব, লড়ব আমি।—চেকার স্পর্ধা চিরকালের। পালতারায় ঘূরতে ঘূরতে আবার সে বলেছিল, মোটাকে সাথ আঁটা লড়েগা, হট যাও।—পালের দেহধানা প্রকাণ্ড বলে এবং লোকে তাকে মোটা মোড়ল বলে বলে, সেই দশের সামনেই সে নিজের নামকরণ করেছিল—আঁটা, অর্থাৎ আঁটসঁট দেহ তরুণ। কিন্তু কিছুক্ষণের মধ্যেই তার সে গরম জল হয়ে গিয়েছিল। মুকুল তাকে পাঁজাকোলা করে তুলে ধরে গোটা আখড়াটার চারিধার ঘূরে আখড়ার মাটির উপর ফেলে দিয়েছিল—বেশ একটু দ্বোরেই ফেলে দিয়েছিল।

তাই আজ চেকা মোড়ল তাকে ঠাট্টা করে গেল। বাই ঠুকে আশ্ফালন করে লড়াই করবার জন্যে প্রায় ইঁক খেরে ডাক দিয়ে গেল।

হায় ভগবান! কি কাল জর তুমি দুনিয়ায় পাঠালে। রক্ত জল করে দিলে, মাংস সব যেন চিবিয়ে লোল করে দিলে, হাতে পর্যন্ত ঘূর ধরিয়ে দিলে। চোখের দৃষ্টি গেল। উঠে দাঢ়ালে মাথা ঘোরে। দু-পা জোরে ইঁটলে ইঁপাতে হয়। নইলে সে তো বুড়ো নয়। যাট

বছর বয়স কি এমন বয়স ? তার বাপ পঁয়ষষ্ঠি বছর বয়সে পাঁচসেৱাৰী কোদাল চালিয়েছে জোয়ান কুষাণের সঙ্গে সমানে পাঞ্জা দিয়ে। সে নিজে ? নিজেই তো সে এই বৰ্ষাত্তেও কোদাল চালিয়েছে, লাঙলের মুঠো ধৰেছে। হঠাৎ এ কি হল ? হায় ভগৱান ! বুড়ো করে দিলে ?

—কি ? চলছে না হাত ? দাঢ়িয়ে আছ ?

—কে ?

—আমি।—সকুণ কঠে বললে ঘগন্দ ঘোষ, আমিও পারলাম না। কিৰে এলাম।

—ঘগন্দ, এ কি হল ভাই ঘগন্দ ?

ঘগন্দ বললে, তা এসে আটে নেগেছে। আৱ দেৱি নাই।—ঘগন্দৰ গলা কাঁপছে, স্পষ্ট বুৰতে পারলে মুকুন্দ। সঙ্গে সঙ্গে তাৱও চোয়ালেৰ নীচেৰ সমস্ত মাংসটা খৰথৰ কৱে কাঁপতে লাগল।

ঘগন্দ এগিয়ে এসে বললে, আমাক থাও।

আলেৱ উপৱ দুজনে বসল। মুকুন্দৰ হাতে হঁকো ধৱাই রইল। সে যেন বড়ই ভাবছে।

ঘগন্দ তাকে হঁকোৱ কথা মনে পড়িয়ে দিল, থাও।

—হঁ।—হঁকোয় সে শুধু মুখই দিলে, টানলে না। তাৱপৱ হঠাৎ বললে, লায়ে পাৱ হতে তো ভয় নেই ঘগন্দ, হৱি বলে নাপিয়ে লায়ে চড়তে পারভায়, তবে তো ! কিন্তু এ কি পাপেৰ ভোগ বল তো ? হ্যাহে, তিন-চার মাসেৱ কটা জৱে এ কি হল বল তো ?

—বুড়ো হয়ে গেলাম ভাই।

মুকুন্দ অনেকক্ষণ চুপ কৱে থেকে বললে, চেকা আমাকে বাই ঠুকে বলে গেল ঘগন্দ, এক হাত হবে না কি ! আমাকে ঠাট্টা কৱে গেল !

ৰোদ উঠেছে। শীত কেটে এসেছে। হাত-পা কোমৰেৱ আড়ষ্ট ভাবটা কেটে গিয়েছে অনেকটা। হঠাৎ মুকুন্দ গায়েৱ ব্যাপারখানা খুলে ফেললে।

ঘগন্দ বললে, কৱছ কি ? ঠাণ্ডা লাগবে।

—উহ। আমাৱ আৱ সহ্য হচ্ছে না। গা ঘামছে। দেখ তুমি।

ঘগন্দৰ কিন্তু তত্ত্বানি উৎসাহ হল না। সে বললে, মাঠে বসে আৱ কি কৱবে ?—চল, বাঢ়ি যাই।

—তুমি থাও ঘগন্দ। আমাৱ ভাই, ভুইখানা না সাৱলে চলবে না। কিমেণ ছোঁড়াৱ জৱ।

ঘগন্দ অবাক হয়ে গেল। বললে, সকাল থেকে তো দেখলে, আবাৱও সাধ হচ্ছে তোমাৱ ?

—থাও, থাও হে, তুমি থাও।

মুকুন্দ আবাৱ নেয়ে পড়ল মাঠে। ঘগন্দ চলে গেল। ৱোদেৱ তাপ এসেছে, বেদনা-

তোমা সর্বাঙ্গে যেন মিঠা মিঠা সেক লাগছে। আরাম পাছে মুকুল। আ-হা-হা, হে দেবতা, তোমার যত এমন যহিমা আর কাৱও নেই। তোমার বোদে পাঞ্চটে ধানগাছে সবুজ রঙ ধৰে, তোমার যত বোদ তত জল, তোমার তাপে আড়ি দেহে জোৱ কিৱে আসছে, গাঠে গাঠে বুড়ো বয়সের পুক চৰি গলছে। মুকুল হাত দুটো উপরে তুল, বাৱ-কয়েক ভাঙল, কলি থেকে হাতের মুঠোটা ভাঙল, বাৱ-কয়েক বসল উঠল। কিন্তু ইংপ ধৰছে। ধৰক। তবু তাৱ মনে হল, সে যেন অনেকখানি ক্ষমতা কিৱে পেয়েছে—ইয়া, অনেকখানি।

হেঁট হয়ে সে আবাৰ ধানের গোড়া মুঠোৱ চেপে ধৰলে। কাণ্ডে চলতে আৱস্ত কৱল।

—ওৱে বাস বৈ। এ যে তীমের যত ধান কাটতে লাগছে!—বছৰ বাইশেৱ একটি যেৱে, এক হাতে জলখাবাৰ, অন্য হাতে জলেৱ ঘটি নিয়ে এসে দীড়াল। মুকুল ধান কেটে চলেছিল অচণ্ড উৎসাহেৱ সঙ্গে। কিন্তু তাতে ধান কাটাৰ চেয়ে তাৱ দেহখানাই যেন বেশি চলছিল। ভাঙ্গা কল চলে, তাতে যেমন কাঞ্জেৱ চেয়ে কলটা ঝাঁকুনি থেয়ে নড়ে বেশি, শব্দ হয় জোৱে, তেমনি ধাৱা ধান কাটাৰ বেগেৱ চেয়ে মুকুলেৱ মনেৱ আবেগটা শৱীৱে প্ৰকাশ পাওছিল বেশি। সে কিন্তু মুকুল বুৰতে পাৱছিল না। সে কাজ কৱেই চলেছিল। হঠাৎ যেয়েৱ গলায় ওই কথাটা শনে, সে সোজা খাড়া হয়ে দাঢ়িয়ে হা-হা কৱে হেসে উঠল। সমস্ত মাঠ-খানায় ঐ মদৌৱ ধাৱ পৰ্যন্ত তবকে যেন সে হাসিৰ প্ৰতিক্রিন্মি বিছিয়ে গেল। মোটা গলায় সে ছড়া কাটলে—

সিঁডুৱ-মুখী ধানে ধানে ভৱিবে গোলা।

আমাৰ সোনামুখীৰ হবে সোনাৰ কাটিৰ মালা।

—ওই! তোমাৰ হল কি আজ বুড়ো বয়সে?—মেয়েটি বললে। সে সত্যাই বিশ্বিত হয়ে গিয়েছিল।

মুকুল চমকে উঠল। মুহূৰ্তে তাৱ হাসি থেমে গেল। মুখখানা হয়ে গেল পাথৰেৱ যত। তাৱ অকশ্মাৎ ভুল হয়ে গিয়েছিল। বছকাল আগে, তখন তাৱ বয়স ত্ৰিশ। উনত্ৰিশ বছৰ বয়সে তাৱ তৃতীয় পক্ষেৱ স্তৰী মাৱা যায়। একুশ বছৰে গিয়েছিল প্ৰথম স্তৰী, পঁচিশ বছৰে দ্বিতীয় জনা—একটি ছ-বছৰেৱ যেয়ে রেখে গিয়েছিল; উনত্ৰিশ বছৰ বয়সে তৃতীয় জনা। লোকে বলত, মুকুল পাল অজগৱ পুৰুষ; বিয়ে হলেই নিৰ্ধাত যাবে। মুকুলও এটা বিশ্বাস কৱেছিল। গণৎকাৱেও তাই বলেছিল, রাক্ষস গণ, পত্ৰিষ্ঠানে শনি মঙ্গল ব্রাহ্ম; শিবেৱ সাধ্য নাই তোমাৰ পৱিবাৰ বৰ্ক কৱতে। মুকুল নিজেৱ হাতেৱ তালুৱ কড়ে আড়ুলটৱে নীচে স্পষ্ট দেখেছে অসংখ্য কাটাকুটিৰ দাগ। তাই সে আৱ বিয়ে না কৱে ঘৰে এনেছিল পাখেৱ গ্ৰাম চণ্ডীপুৰেৱ বাবুদেৱ বাড়িৰ একটি বিধবা তক্কী বিকে। ব্ৰাহ্মণ বাড়িতে বিয়েৱ কাৰ্জ কৱত, ভুলচল জাতেৱ যেয়ে, তাতে আৱ ভুল নাই; তবুও অধিকষ্ঠ ন দোষায়—মুকুল তাকে বৈৱাগীনেৱ আধুঢ়ায় কঢ়ি পৱিয়ে দৈৰ্ঘ্যবী কৱে পেড়ে-শাড়ি, হাতে চুড়ি পৱিয়ে ধৰে এনেছিল। ত্ৰিশ বছৰ আগে, এমনই কৱে সে আসত তাৱ জলখাবাৰ নিয়ে। তেৱো শ' বিশি সালও ছিল একটা শুশ্রেৱ বছৰ, সেবাৱও হয়েছিল এমনই বান, এমনই ধান। হয় নি শুধু চালেৱ যন

তিনিশ টাকা, আর হয় নি এমন কাল অব। সেবারও ধান কাটছিল মাঠে। সে এসে বলেছিল ঠিক ওই কথাটি, ঠিক ওই কটি কথা, মুকুল এমনই করে হেসেছিল আর ওই ছড়াটি কেটেছিল। আজও সেই রূপ মাঠ ভরা ধান। আজও সে যেন ঠিক তেমনই হস্তস করে ধান কেটে চলেছে, এমন সময় তেমনই ভাবে এসে দাঢ়িয়ে সেই কথা কয়টি বলায় মুকুলের ভুল হয়ে গেছে। বৈকল্পিক অনেককাল আগে মরে গেছে। মুকুল বলে, গত হয়েছে।

এ যেয়েটি মুকুলের নাতনী—যেয়ের যেয়ে। সহজ ঠাট্টার। কিন্তু মুকুল কখনও ঠাট্টা করে না। একটি ছেলে কোলে নিয়ে যেয়েটি পনেরো বছরে বিধবা হয়েছে। যেয়ে বিধবা হয়েছিল ওই যেয়েকে কোলে নিয়ে। মুকুল জীবনে ছটি শিশুকে কোলে করে মাঝুশ করেছে, অথবা নিজের যেয়ে, তারপর এই নাতনীকে। নাতনীর ছেলেকে সে কোলে করে না। না, কাজ নাই।

দ্রষ্টব্য

মুকুল বাড়ি এসে বসে হাঁপাছিল। কিন্তু তাতে তার যেজাজ ধারাপ হয় নি। শরীর এলো যেরে গিয়েছে, কিন্তু তাতে কোনো অসুখ বোধ করছে না। কাজ সে অনেকটা করেছে। অনেকটা। সে খুশী হয়েছে। স্পষ্ট বুঝতে পেরেছে সে, সে বুড়ো হয় নাই। আসল দরকার ওমুখ আর ধাওয়া-দাওয়ার, আর দরকার কাজের অভ্যাসের।

যেয়ে লক্ষ্মী এসে বাপকে দেখে কিন্তু শিউরে উঠল, বললে, বাবা তোমার কি শরীরের উপর এতটুকুন মায়া-ময়তা নাই? মুখের চেহারা কি হয়েছে দেখ দেখি। সরস্বতী বলছিল—

—কি বলছিল সরস্বতী?

লক্ষ্মীর যেয়ে সরস্বতী। পাল যশায়ের সেই নাতনীটি। লক্ষ্মী বললে, বলছিল—কত্তাদান ধান কাটছে, বাবা বে বাবা, একটা জোয়ানেরও সাধ্য নাই এমন হাই হাই করে কাটতে।

পাল হা-হা করে হেসে উঠল। মাঠে আজ যে হাসি হেসেছিল, সে হাসি সে জোয়ান বয়সে হাসত; যে হাসি সে সরস্বতী বিধবা হবার পর আজকের আগে আর হাসে নাই, সেই হাসি। হাসির আওয়াজের ধাক্কায় দেওয়ালে টেস দিয়ে রাখা কাঁসার বড় খোরাটাম মৃদু প্রতিক্রিয়ার বেশ বেজে উঠল।

লক্ষ্মী চমকে উঠল। বাবা হল কি?

—তোর বেটি বলে কি লক্ষ্মী, আমাকে বলে বুড়ো! তাই—। সে আবার হা-হা করে হেসে উঠে বললে, তাই তোর বেটিকে তুনিয়ে দিলাম সেই ছড়াটা, যে ছড়া বলতাম তোর মাকে।

লক্ষ্মী হাসলে।

পাল বললে, জানিস মা, এবার ধান যা হয়েছে। আ-হা-হা। ধান নয় মা, সাক্ষাৎ লক্ষ্মী। এবার ধানারে বোধ হয় ধান বাঁধতে জাগ্গাই হবে না। তা ছাড়া গুরু দুটোর যা হাল হয়ে আছে, তাতে—

পাল অত্যন্ত চিন্তিত হয়ে পড়ল। কেলের জন্মে ভাবি না। ও আমার ঠিক আছে।

ও আমাৰ ক্ষয়গজন্ম। ভাবনা বাছুরটাৰ জন্তে। হাজাৰ হলেও কীচা হাড়।

কেলে, পাল মশায়েৱ প্ৰিয়তম হেলে বলদ। একেবাৰে শৈশব থেকে তাকে পালন কৰেছে। এখন বুড়ো হয়েছে, কিন্তু তুৱা বয়সে কেলে ছিল এখানকাৰ বিখ্যাত হেলে। পাল একা নহ, এখানকাৰ সকল চাষীতেই একবাক্যে বলে, কেলে ক্ষণজন্ম গুৰু। একা কেলেৰ সঙ্গে কীধ দিয়ে একে একে চাৰটা বলদ অকালে আঘেল হয়ে গিয়েছে। গতবাৰ আবাৰ একটা বাছুৰ অৰ্থাৎ সত্ত্বজোয়ান বলদ কেনা হয়েছে। কিন্তু আজও সে কেলেৰ ডাইনে বাইতে পাৱে না। এবাৰ দুটা বলদেৱই খুড়িয়া হয়েছিল গো-মড়কেৱ সময়। দুটাই ভাগ্যক্রমে বেঁচেছে, কিন্তু অত্যন্ত দুৰ্বল হয়ে গিয়েছে। পাল কেলেৰ জন্ম ভাৱে না। ভাবনা তাৰ ওই নতুন সত্ত্বজোয়ান হেলেটাৰ জন্ম।

অনেকক্ষণ চূপ কৰে থেকে পাল বললে, চেকা আমাৰকে আজু বাই ঠুকে ঠাণ্টা কৱলে মা।

কেউ উত্তৰ দিলে না। পাল পিছনে তাকিয়ে দেখলে লক্ষ্মী নাই, সে চলে গিয়েছে।

পাল উঠে গিয়ে দাঁড়াল কেলেৰ কাছে। কেলে ফোস কৰে একটা নিখাস কেলে পালেৰ দিকে চাইলে, তাৰ গা শুঁকলে, তাৱপৰ ঘাড়টা লম্বা টান কৰে মুখটা এগিয়ে দিলে মুকুলেৰ বুকেৱ কাছে। এৱ অৰ্থ হল, গলকম্বলে সুড়মুড়ি দিয়ে দাও। পাল হেসে তাৰ গলায় হাত বুলিয়ে পিঠে দুটো চাপড় মেৰে বললে, দেখব বেটা এবাৰ, কেমন ক্ষ্যামতা তোমাৰ। ইঁয়া!

তাৱপৰ আবাৰ বললে, দাঁড়া না, তাজা কৰে দিচ্ছি। রশিৰ মেয়াৰ ব্যবস্থা কৱছি আজ থেকে।—ৱশি হল ধেনো মদেৱ সব চেয়ে কড়া তেজী অংশ। মেয়া হল তাৱই পচানো জিনিসেৱ ছিবড়ে। ভাৱি উপকাৰী আৱ পোষ্টাই গৱৰু পক্ষে। চেকা মোড়ল নিজে থায় গৃহজ্ঞত অৰ্থাৎ ঘৰে চোলাই-কৱা যদ। গৱন্দেৱ খাওয়ায় রশি-মেয়া। একেবাৰে ভাগড়া হয়ে আছে চেকাৰ গৱন্দলা; চেকা থায় মদেৱ সঙ্গে মাংস। হাঁস আছে একপাল, হাঁসেৱ বাচ্চা থায়।

—কি কৱছ কস্তা?—সৱন্ধতৌ দাঁড়াল এসে দাওয়াৰ উপৰ।—থেতে দিয়েছি তোমাৰ কেলেকে, উপোস কৱিয়ে রাখি নাই।

—কি?

—এস, ত্যাল মাখো। চান কৱ। থেতে-দেতে হবে না?

—ইঁয়া ইঁয়া।

পাল এসে বসল। তেলেৰ বাটিটা এগিয়ে দিলে মাতনী। পাল বললে, এক কাজ কৱ দিকিনি। ত্যালটা গৱন কৰে নিয়ে আয় দিকিন।

গৱন তেল মালিশ কৱতে বসে সে আবাৰ ডাকলে, সৱন্ধতৌ।

—কি?

—এই পিঠে ধানিক ত্যাল মালিশ কৰে দে তো বুন। খুব কৰে, আচ্ছা কৰে। উঁহ, উ তোৱ হচ্ছে না। আৱও ঝোৱে।

—আৱ আমাৰ জোৱ নাই বাগু।

পাল হা-হা করে হেসে উঠল। বললে, আচ্ছা, তবে গোটাকতক কিল মার দিকিনি। যত জোর আছে তোর।—আচ্ছা! আচ্ছা! আচ্ছা!

আমার হাতে লাগছে বাপু, আর আমি পারব না।—সরস্বতী সত্যাই ক্লান্ত হয়ে পড়েছিল।

পাল আবার হা-হা করে হেসে উঠল। বলল, আমার কিন্তু তোর নবম হাতের কিল ভাঁরি যিটি লাগছে।

সরস্বতী সন্তুষ্ট হয়ে পড়ল। কর্তার মুখে এই এই ধারার কথাবার্তা কথনও শোনে নাই। হল কি কর্তার। মাকে বললে সরস্বতী, কর্তার গভীর ভাল নয় মা।

লক্ষ্মী চৰকে উঠল। কথাটা তাঁরও মনে হয়েছে, বাপের সেই হাসি শুনে। এ হাসি সে শুনেছে ছেলেবেলায়। বাপকে তখন লোক বলত—ভীম। সন্ধ্যার পর বাইরের দাওয়ায় পাঁচজনের সঙ্গে বসে তাঁর বাবা এমনই ভাবে হাসত; সে তখন ছেট মেঘে, বাড়ির ভিতরের দাওয়ায় শুয়ে শুমাত, বাবার হাসিতে তাঁর ঘূম ভেঙে যেত।

বৈঞ্চবী মা বকত বাবাকে, কি এমন করে হাস, মেঘেটার ঘূম ভেঙে ঘায়, চমকিয়ে উঠে।

বাবা আবার হাসত হা-হা করে। কাঁসার বাসনে খনখনে আওয়াজের রেশ বেজে উঠত, দুরজায় কি আনালায় হাত দিয়ে থাকলে মনে হত, কি যেন একটা শিউরে উঠছে তাঁর ভিতরে। সে হাসির প্রথম পর্দা ছিঁড়েছিল বৈঞ্চবী মা ঘাবার পর। তাঁরপর খামে নেমে ছিল লক্ষ্মী নিজে বিধবা হবার পর, সরস্বতী বিধবা হবার পর সে হাসি আর হাসে নাই তাঁর বাবা। আজ সেই হাসি হাসতে শুনে কথাটা তাঁরও মনে হয়েছে।

সরস্বতী বললে, কর্তা হয়ত আর বাঁচবে না, ময়ত কর্তার মাথা ধারাপ হয়েছে। লক্ষ্মী শিউরে উঠে বললে, ও-কথা বলিস না সরস্বতী। তাহলে আমাদের দশা কি হবে, ভাব দেখি।

সরস্বতী একটা দৌর্যবিশাস্ত ফেলেই চলে গেল সেখান থেকে।

লক্ষ্মী চূপ করে বসে ভাবছিল। যতই অশুভ হোক, সরস্বতী কথাটা মিথ্যা বলে নাই। আজ সঙ্গেবেলায় বলদ দুটোকে বলি আর মেঝে ধাওয়াবার বোঁক উঠেছে, নিজে বৈঞ্চব মাঝুম, মনকে ঘার এত ঘেঁঠে সেই লোক নিজে হাতে ওই সব জিনিস ষেঁটেছে। বলদকে মেঝে বলি অনেকবারই ধাওয়ানো হয়েছে, কিন্তু সেসব কৱত রাখালে। বাবা মাকে কাপড় দিয়ে ধাকত দুরে। সেই লোক নিজে হাতে এই বুড়ো বয়সে—। চোখে জল এল লক্ষ্মীর। রাখাল নাই, কিন্তু'কাহারপাড়ার কাউকে ডাকলেই হত! এ কি মতিভ্রম!

একটু বসে থেকে সে উঠল। উৎকষ্ঠা এবং কৌতুহলও হল বাবা কি করছে দেখবার জন্মে; সে চুপচুপি বাবার ঘরের দিকে এগিয়ে গেল। আশ্চর্য হয়ে গেল কোঠার উপরে ধূপধাপ শব শুনে। যেন দুরমুশ দিয়ে কাঠের তক্তার উপর মাটি বিছানো মেরেটা পিটেছে। সন্তোষে সিঁড়ি দিয়ে উঠে গিয়ে আড়াল থেকে উকি মেরে দে অবাক হয়ে গেল। তাঁর বাবা কুস্তি-গীরের মত কাপড় মেঠে রৌতিমত বৈঠক দিলে, হাঁপাচ্ছে। ধীরে ধীরে লক্ষ্মী নেমে এল। হায় বৈ। এই বস্তুসে বাবা শেষে পাগল হয়ে গেল।

তিনি

শুধু মেঘে আর নাতনীই নয়, গোটা গাঁয়ের লোকেরই কেমন যেন একটু খটকা লেগেছে। পাগল হন না কি? তার ওই হা-হা করে হাসি শুনে তারা পরম্পরার মূখের দিকে চায়। তোর থেকে আবস্থা করে জলখাবার বেলা পর্যন্ত পাল মাঠে ধান কাটে। তাতে অবশ্য কেউ কিছু মনে করে না। পালের কুষাণটাৰ জৰের সঙ্গে বুকের দোষ হয়েছে, আধা-ডাক্তার আধা-কবৱেজ ভাগবতচরণ বলেছে, মারে হৱি রাখে কে?—লোকটা মৰবে। আজও পর্যন্ত বাগদী-কাহার যারা বৰ্ধাৰ সময় চলে গিয়েছে, তারা কেউ ফেরে নাই। দুমকাৰ ওদিক থেকে একটি দল সাঁওতালও আজ পর্যন্ত এ অঞ্চলে আসে নাই। বধমানে দামোদৱের বাধ তৈৰি হচ্ছে, বেলের ধাকো তৈৰি হচ্ছে, সাবি সাবি কোশ-বৰাবৰ লম্বা এক-একটা সাঁকো; উড়ো জাহাজের আস্তানা তৈৰি হচ্ছে এখানে-ওখানে-সেখানে—কোনোটা দু কোশ, কোনোটা পাঁচ কোশ লম্বা; লাখে লাখে মজুৰ থাটছে, টাকাটাৰ কথে মজুৰি নাই, পাকা-মেঝেৰ ধৰে দিচ্ছে নাকি থাকতে, ডাক্তার-ওধূধেৰ পয়সা লাগে না, এই ঢাউপ বড় বড় ঘোটৱে চড়িয়ে নিম্বে যায়, আবাৰ ঘোটৱে দিয়ে যায়। সাহেবেৱা সেখানে সঞ্চার পৰ নাচ গান হঞ্জা কৰে। ঘোটা বকশিশ দেয়। ভালো ভালো বিলাতী মদেৰ বোতল নাকি গড়াগড়ি যাচ্ছে; টিন-বক্ষ থাবাৰ। এসবেৰও প্ৰসাদ কি আৱ কিছু কিছু না পায় তারা? সব—সব মজুৰ গিয়ে সেখানে জুটছে। কিসেৱ জন্ত এখানে আসবে?

নিজেৰ নিজেৰ ধান নিজে না কেটে উপায় কি? কাটেও তো তারা চিৱকাল। এবাৰ না হয় বোগ ধৰেছে—কাল বোগ। তবু তো ধান তুলতে হবে। মাঠ-ভৱা ধান, গোটা বছৰ বৃত্তাকৰ মূনিৰ মত উইকে একপিঠ ভুইকে একপিঠ দিয়ে তপস্তাৰ ফসল—লক্ষীৱ আটৱেৰ দেবতা, গোটা বছৰে মুখেৰ ভাত, চালেৰ খড়, গফন আহাৰ—এ তো তুলতেই হবে। ঘৰেৱ খামাৰ থা-থা কৰছে, লক্ষীৱ আটৱ থালি পড়ে আছে; গোলাৰ মধ্যে চামচিকেতে বাসা বৈধেছে, মাকড়সায় জাল বুনেছে; গোলাৰ মধ্যে নিকিয়ে পৱিকাৰ কৰে সব পৱিপূৰ্ণ কৰে তুলতে হবে। তুলবাৰ জন্তে উঠে পড়ে লেগেছেও সবাই, কিন্তু পালেৰ ধান কাটা দেখে লোকে অবাক হয়েছে। পাল ধান কাটে আৱ আপন মনেই বলে, হেই-হেই-হেই। পা ফেলে যেন রোখা মাতালেৰ মত। পাল কিছু দিন আগেও উঠতে ধীৱে ধীৱে, বশত, আৱ কি সেদিন আছে? তাড়াছড়ো কৰে উঠতে গেলে মাথা ঘোৱে।—বলে হাসত। সেই পালেৰ হঠাৎ যেন নৰ-যৌবন হয়েছে। এ তো ভালো নয়। এমন কৰে ধাটতে গেলে কোনদিন বুক ধড়কড় কৰে মাঠেই মুখ গুঁজে পড়বে, আৱ উঠবে না, না হয়তো ধাটুনিৰ ধৰকে পালতে পড়বে জৱে। ওৱ উপৰ জৱ হলে মেৰে দিয়ে যাবে। নাও যদি যৱে, তবুও উঠে আৱ হেঁটে বেড়াতে দেবে না সহজে।

তাৱ উপৰ এসব কথা বললে, ওই হাসি।

যোগেন্দ্ৰ বললে, কি, হল কি তোমাৰ, বল দেখি?

পাল সেই হাসি হাসতে আরম্ভ করলে। তারপর হাসি ধারিয়ে বললে, ‘সব্যা বেলায় বলব।

—ওরে বাপরে! এত হাসি কিসের গো কভা?

গলার আওয়াজেই চিনতে পেরেছিল পাল চেকা ঝোড়লকে। পিছন ফিরে দেখলে, চেকা পালই বটে। পাল ভুক্ত মাটিয়ে মাথা দুলিয়ে বললে, পারিস? বলি, তুই পারিস?

—কি?

—এমনই হাসতে? মরদ তো বটিস। জোয়ান বয়সও বটে, পয়সাও টের আছে। পারিস?—কয়েক মুহূর্ত সে সপ্তাহ দৃষ্টিতে চেকার দিকে চেয়ে থেকে আবার বললে, ফুসফুসি কেটে যাবে কোলা-ব্যাঙের পেটের মত।—বলেই সে আবার হাসতে আরম্ভ করলে সেই হাসি।

যোগেন্দ্র অবাক হয়ে গেল। তার আর কোনো রকম সংশয় রইল না, পালের মাথার সত্যিই গোলমাল হয়েছে। চেকাও প্রথমটা চুপ করে ছিল। একটু পর সে বললে, পালকে কোনো কথা না বলে যোগেন্দ্রকে বললে—বোধ-কভা, পাল-কভাৰ নাকটা দেখেছ?

যোগেন্দ্র একটু বিরক্ত হয়েই তার মুখের দিকে চাইলে। পালের ভুক্তও কুঁচকে উঠল। চেকা যে এবার বাকা বাঁড়শির মত কথা বলবে, তাতে তাদের সন্দেহ ছিল না। চেকাকে তারা চেনে। টাকার গরমে মাটিতে ওর পা পড়তে চায় না। ওর কথায় জলের মাছ গাঁয়ের জালায় ভাঙ্গায় মাথা ঠুকে আচাড় খেয়ে পড়ে।

চেকা বললে, দেখ ভালো করে দেখ। হঁ হঁ টিক।

—কি?

—বেঁকেছে। কভাৰ নাকটা বেঁকে গিয়েছে।

নাক বেঁকে গেলে মাছবের ছ মাসের মধ্যে অবধারিত মৃত্যু। নীল তারা দেখতে পায় না চোখ টিপে, আকাশের অরূপতা নক্ষত্র দেখতে পায় না। এমনিই নাকি অনেক কিছু হয়। চেকার কথা শুনে যোগেন্দ্র শিউরে উঠল। সে তার ঘোলাটে চোখের নিষ্ঠেজ দৃষ্টি যথাসাধ্য তীক্ষ্ণ করে চাইলে পালের মুখের দিকে। পালও চমকে উঠল, তার ভান হাতে ছিল কাণ্ডে, বাঁ হাতটা আপনি যেন উঠে গিয়ে পড়ল নাকের উপর।

চেকা হি-হি করে হেসে উঠল। শুনু হাসি অয়, তার সঙ্গে অস্তুত অস্তুতি। হাসির ধরকে তার মাথাটা মাটিতে ঠেকে গেল প্রথমটা, হাসির ধরকেই আবার যেন সোজা হয়ে উঠে পিছনের দিকে উল্টে পড়ে যাবার উপক্রম করলে।

চেকা বললে, ছয়াস—আৱ ছয়াস।—বলেই সে চলতে আরম্ভ করলে। কিছু দূরে গিয়েই সে আবার দীড়াল, বললে, মুখণের ছয়াস আগে, বুবলে কভা, মাছবের এমনি নব-বৈবন হয়। বুবলে?

পাল আবার উৎকটভাবে হেসে উঠল, নিজের বাই ছটোতে চাপড় মেঝে বললে, হবে নাকি?

চেকা কিন্তু আর দাঢ়িল না। চলে গেল। পাল তার দিকেই চেয়ে রইল কিছুক্ষণ।
তাবুপর বললে, যগদ! কেউ সাড়া দিল না। যোগেন্দ্র চলে গিয়েছে।

পাল কিছুক্ষণ চূপ করে দাঢ়িয়ে থেকে আঁপমার মাকে হাত দিলে।

—কন্তা, আজ যে ডাঁড়িয়ে রইচ?

সরস্বতী। সরস্বতী এসেছে জলখাবার নিয়ে।

—হঁ।

—হঁ কি? শরীর ভালো আছে তো?

—দেখ তো সরস্বতী, নাকটায় কি হল?

—কি হল? কই কিছুই তো হয় নাই। যেমন ছিল তেমনই আছে?

সরস্বতী খুব কাছে এসে খুব ভালো করে তাকিয়ে দেখলে, হ্যাঁ, কই কিছুই তো—। উঁ,
কন্তা, কি খেয়েছ তুমি কন্তা? সরস্বতী শিউরে উঠে পিছিয়ে গেল।

সন্ধি বললে মেয়েকে, চুপ কর, এ কথা কাউকে যেন বলিস না।

পাল কিন্তু নিজেই জানালে যোগেন্দ্রকে। সন্ধ্যাবেলায় তাকে ডাকলে, শোন, এস।

—কোথা?

—এস না আমার সঙ্গে।

গায়ের বাইরে বট-বাগানে একটা গাছতলায় বসল পাল, যোগেন্দ্রকে বললে, বস।

যোগেন্দ্র অবাক হয়ে গিয়েছিলই, সঙ্গে সঙ্গে ভয়ও করেছিল। মাথা ধারাপ লোক, কখন
কি করে বসবে হয়ত!

পাল তার গায়ের আলোয়ানের ভিতর থেকে বের করলে একটি বোতল, তার মুখেই
পরানো ছিল কাচের ছোট ওষুধ-ধার্ম্মিক গেলাস একটি।

—কি?—যোগেন্দ্র চোখ বিক্ষারিত হয়ে গেল।

পাল কিন্তু অত্যন্ত সহজভাবে বললে, গৃহজ্ঞাত। ধাও।

—মে কি?

গৃহজ্ঞাত মানে—লুকিয়ে ঘরে চোলাই করা যদি। সাঁওড়াপুরের তলা বাগচীরা তৈরী করে
নদীর ধারে। এখনকার অনেকে গোপনে কিনে ধাও। এ গায়েরও ছ-চারজন ধাও;
চেকা মোড়লই ধাও। কিন্তু তা বলে যোগেন্দ্র ধাবে কি বলে? পালই বা ধাও কি বলে?
বৈষ্ণবঘন্টে দীক্ষা তাদের, যদস হয়েছে, যাকে বলে এক পা ডোঁতায় এক পা ডাঙায়। আজ
পালের এ কি আচরণ?

ততক্ষণে ছোট গেলাসে ধানিকটা ঢেলে চুক করে ওষুধ ধার্ম্মিক মত খেয়ে কেলে পাল
বললে, জর পালাতে পথ পাবে না, তিন দিনে গায়ে তাঁগদ পাবে; আমার মতন ধাটতে
পারবে।

গেলাসটায় যোগেন্দ্র জগ্নাই ধানিকটা ঢালতে ঢালতে সে বললে, ওই শালা চেকা, চেকা

শালা একদিন আমাকে বলেছিল। বুল্লে, আমার ধানিক আকর্ষণ সাগর, সবাই অয়ে
ওল্ট-পাল্ট থেলে, ওই শালাৰ একবাৰ কই জৱ হল না কেন? তা শালাই আমাকে বললে,
সেই যে, যেদিন বাই ঠুকে আমাকে ঠাট্টা কৰেছিল, সেই দিন। বলেছিল—মদ-মাস থাই, জৱ
আমাৰ কাছে দেখতে পাৱে না। তা দেখলাম, হ্যাঁ, দৰিয়টা উপকাৰী বটে। তাগদ আমি
পেয়েছি। নাও, ধাও।

যোগেন্দ্ৰ সভয়ে সৱে বসল। বললে, না।

—না লয়, ধাও।

—ছি ছি, ছি পাল, ছি! এই বুড়ো বয়সে—

—ধৈ তেৰি!—পাল ধমক দিয়ে বলে উঠল—কিসেৱ বুড়ো বয়স হে? বুড়ো বয়স
কিসেৱ? বুড়ো বয়স! কই ডেকে আন তোমাৰ কে ছোকৱা আছে, ডেকে আন আমাৰ
কাছে। বুড়ো বয়স!

যোগেন্দ্ৰেৰ অন্তে ঢালা গেলাসটি নিজেই সে খেয়ে নিলে।

—আশি বছৱ। আশি বছৱে তো সোজা হয়ে বেড়াব হে ষগল।

যোগেন্দ্ৰ বললে, কিন্তু ধৰ্ম আছে তো।

—হ্যাঁ, আছে বইকি। আলবত আছে। এ তো ওষুধ। ধন্মেতে ওষুধ থেতে বাবুণ
কৰে নাকি? ধন্মেতে বলে নাকি, ওষুধ না থেয়ে রোগে ভুগে থকথক কৰে কেশে কুঁজো হয়ে
মৱ তুমি? যদি বলে তো বলে। ধম্ম আমাৰ ধান তুলে দেবে? ধম্ম!—হঠাত সে নিজেৰ
হাতখানা শক্ত কৰে যোগেন্দ্ৰেৰ দিকে বাড়িয়ে দিলে। দেখ, শৱীৱটা ক'দিনেই কেমন বেঁধেছে
দেখ। বুড়ো। বুড়ো বয়স!

যোগেন্দ্ৰ হাতখানা নেড়ে দেখতে বাধ্য হল, কাৰণ পাল একৱকম হাতখানা তাৰ ঘাড়েই
চাপিয়ে দিয়েছিল। অবাক হয়ে গেল যোগেন্দ্ৰ। সত্যাই আৱ সে বুকম ভগতলে ঝলকলে
ময় চামড়া। অনেকটা শক্ত হয়েছে। সে স্বীকাৰ কৰতে বাধ্য হল।

—হঁ, তা হয়েছে।

পাল আবাৰ ধানিকটা গেলাসে চেলে বললে, তবে ধা, ধা রে ধা, ধৈবন কিৱে আসবে।
—বলে হা-হা কৰে হেসে উঠল।

যোগেন্দ্ৰ এবাৰ হাত বাড়িয়েছিল, কিন্তু হাসিতে চমকে উঠে বললে, না মাইলি, কি যে
হাসছ। এখনি কে এসে পড়বে।' তা হলে আমি ধাৰ না ভাই।—পালেৰ হাসি যেন
শৰ্পখেৰ আওয়াজ। কাছাকাছি শৰ্পখ বাজলে তাৰ শব্দ যেমন কানেৰ ভিতৰ থেকে মাথাৰ
ভিতৰে, বুকেৰ ভিতৰে, কাঁধ থেকে হাতেৰ শিরায় ধৰনিৰ রেশ তুলে টান হয়ে উঠে, পালেৰ
হাসিৰ গমকগুলো তেমনি ভাবে যোগেন্দ্ৰেৰ দেহেৰ মধ্যে স্থৱ তুললে। ভয়ও জাগল, আবাৰ
চক্ষণ হল মন, কত কথা মনে পড়ে গেল। যোগেন্দ্ৰ মুখেৰ কাছে নিয়ে গিয়েও ভাবছিল।
এঁ, কি গৰ্জ।

—নাক টিপে ধৰ বাঁ হাতে। হ্যাঁ হ্যাঁ। বাস, দে চেলে মুখে। বাস।—বলেই সে

আবার হেসে উঠল হা-হা করে ।

—এই, এই, না এমন করে হাসলে হবে না—না, না ।

তবু থামল না পালের হাসি ।

কিছুক্ষণ পর যোগেন্দ্রও হাসছিল পালের সঙ্গে প্রায় পাঁজা দিয়ে । কথাটা অবশ্য হাসির কথা । পাল বলছে, এবার পৌষ-লক্ষ্মীর দিনে ভাসান-গান করতে হবে, আগে বেমন হত । আমাদের যে দল ছিল, সেই দলের ভাসান-গান । সে কালে পাল চন্দ্ৰচূড় সাজত, আবার পায়ে কালিমাখা ঢাকড়া জড়িয়ে গোলা ঘালোও সাজত । পাল এখন সেই দুটোই সাজতে চায় । আবার যোগেন্দ্রকে বলছে, তুই বেউলো সাজতিস, তুই বেউলোই সাজবি ।

এই বুড়ো বৰস, ভাঙা মৃধ, কোকলা দাত, এই চেহারায় বেউলো ? যোগেন্দ্র হাসতে আৱশ্য কৰে দিলে, সঙ্গে সঙ্গে পাল ।

হাসিটা খেমে এল ধীৱে ধীৱে । দুজনেই চুপ কৰে বসে রইল, ঝাস্ত হয়েছে দুজনেই ; যোগেন্দ্রের বুকে তো ফিক-ব্যথাৰ মত ধৰে গিয়েছে । সঙ্গে সঙ্গে এই মীৱতাৰ অবসৱে ভাদেৱ ঘনেৱ চোখেৱ সমুখে ভেসে উঠেছে পুৱাৰো দিনেৰ কথাগুলি । নিজেদেৱ সেই যোবন-কালেৱ চেহারা ঘনে পড়েছে । সেকালেৱ সঙ্গীদেৱ ধাৱা আছ নাই, ভাদেৱ ঘনে পড়েছে । শূৰ-বৌৱেৱ মত চেহারা সব, কত হৈ-হৈ সে দিন ! ভাবনা-চিন্তা ছিল না ।

হবে না কেন ? থামাৰে সব গোলা-ভৱা ধান, গোয়াল-ভৱা দুধালো গাই, কেঁড়ে ভাতি দুধ, জালায় জালায় গুড়, পুকুৱ-ভৱা মাছ, পৌষ-লক্ষ্মীতে সে কত সমাৱোহ,—গামলা-ভাতি কৰে সুৱ-চাকলি, আস্কে পিঠে, ক্ষীৱেৱ পিঠে, গুড়তিলেৱ পিঠে ! কুড়ি গণাখ এক পণ, সেই পণ দক্ষনে পিঠে খেত এক-একজন । মাঘ মাসে মূলো খেতে নাই, লক্ষ্মীৰ বাজে মূলোমচ্ছি, মূলোতে মাছে অশ্বল হত । তাৱপৱ পড়তে ভাসানেৱ আসৱ ।

পাল চন্দ্ৰচূড় সাজত, বত্তিৰ পাটেৱ কাপড় পৱে পাটেৱ চান্দ্ৰখানা লৈপতেয় মত বেঁধে আসৱে দুকত । আসৱে জলত সৱকাৱী চলিশ-বাতিৰ আলো ! শিব শষ্টো ! শিব শষ্টো ! শক্ত ! শক্ত ! আসৱখানা গমগম কৰে উঠত । উঠবাৰ কথা যে । কালো কষ্টপাথৰে খোদাই-কৱা বৈৱবৰ্ম্মিৰ মত দশাশই চেহারা, সেই বাধা গলায় আওয়াজ, লোকেৱ বুকেৱ ভিতৱ যেন শুৱণুৱ কৰে উঠত । মেয়েৱা বসত এক দিকে, পুকুৱেৱা বসত তিন দিকে, সব হাঁ কৰে চেয়ে থাকত চন্দ্ৰচূড়েৱ মুখেৱ দিকে । মেয়েদেৱ মাথাৰ ঘোমটা খসে যেত । পুকুৱদেৱ হঁকোৱ টান বৰু হত । ধীৱে ধীৱে তাজা কলকে নিবে আসত ।

যোগেন্দ্রেৱ ছিল ছিপছিপে মিষ্টি চেহারা, চোখ দুটি ছিল ডাগৱ ; সে সাজত বেহলা ! গোফ-দাঢ়ি কোনোকালেই যোগেন্দ্রেৱ বেশি নয়, ভাও কামিয়ে পৱচলো পৱে জীৱ বিয়েৱ বেগুনি বঞ্চেৱ পাটেৱ শাঢ়িখানা পৱে আসৱে এসে নামত, সঙ্গে সঞ্চি থাকত । মেয়েৱা পৱল্পৱেৱ গা টিপে মুচকে হাসত । পুকুৱেৱ চোখে পলক পড়ত না । লধীদৰেৱ দেহ নিয়ে কলাৰ মাদাসে নদীৰ জলে ভাসত । বেহলা বলত লাভড়ীকে, বাসৱে আমাৰ বাঙ্গা কৱা ভাত আছে, সে ভাত আমাৰ মাটিতে পুঁতে রেখো । কাককে ডেকে বলত, কাক, তুমি

আমাৰ বাপেৰ বাড়ি গিয়ে মাকে বল, বেউলা জলে ভেসে আছে। গান ধৰত, জলে ভেসে যায়ৱে সোনাৰ কমল !—গোটা আসৱ হাপুস-নয়নে কাঁদত ।

এৰন সময় ঠোটেৰ কোপে চূন থেখে, গালে কপালে চুনৰ দাগ এঁকে, পায়ে ঢাকড়া জড়িয়ে, মাথায় পাগড়ি বেঁধে, ভুঁড়ি ছলিয়ে খুঁড়িয়ে নেচে আসৱে চুকত গোদা মালো। পোশাক পালটে পালই সাজত গোদা মালো; দেখে কাৰ সাধ্য যে বলে, এই লোকই সেই পাথৰেৰ মত মাঝুষ টান সদাগৱ। পালেৰ ভুঁড়ি নাচানোৱ কাষ্টাটি ছিল অন্তুত। সত্যই থেন নাচত ভুঁড়িটি; দেখে আসৱ সুন্দৰ লোক হেসে গড়িয়ে পড়ত। মেয়েৱা বীকা দৃষ্টি হেনে বলত, যৱণ ! পৌষ মাস চলে থেত, মাৰ্ব মাসেৰ অন্তত পনৱোটা দিন ছেলেমেয়েৱা তাকে দেখলেই বলত, ওৱে গোদা মালো আসছে। তুমীৰ দল পিছন ফিৰে দাড়িয়ে ফিৰকফিৰ কৱে হাসত ।

সে দিন আৱ এ দিন ! আজকেৱ দিনকালগুলা যেন ভাসাৰ-গান ভাঙাৰ পৱ শেষ রাত্রেৰ আসৱ। চলিশ-বাতিৰ চিমনিটা কালো হয়ে যেত কালি পড়ে। পৌষেৰ শেষ রাত্রিতে হিম বৰত চাৰিদিকে, চট তালাইগুলো ধূলোয় ধূলাকীৰ্ণ হয়ে বিশৃঙ্খলভাৱে পড়ে থাকত; আসৱ আগলে তাৱা জনকয়েক শুধু প্ৰায় কুণ্ডলী পাকিয়ে বেঁকে চুৱে শয়ে থাকত; দু-চাৰটে কুকুৰও এসে গা বেঁয়ে শুত; থা থা কৰত চাৰিদিকে। ঠিক তাই। ঠিক তাই। তাৱাই কজন ভাঙা আসৱ আগলে বেঁকে চুৱে কোৱমতে পড়ে আছে। চাৰিদিক থা থা কৰছে ।

যোগেন্দ্ৰ একটা দীৰ্ঘনিৰ্বাস ফেলে বললে, চল, বাড়ি চল ।

—চল। পালও উঠল ।

বাগান থেকে বেয়িয়ে এসে কিছ দুজনেই দাড়িয়ে গেল থমকে। ঠান্ডেৰ আলোয় আৱ কুয়াশায় যেন একখানা বকেৱ পাথাৰ মত ধৰথবে সাঁদা মলমলেৰ চান্দৰ দিয়ে ঘূষ্ট মা-বহুমতীকে কে ঢেকে দিয়েছে। মদ অতি সামান্য খেয়েছে তাৱা। তবু অনভ্যন্ত মন্তিকে তাই চনচন কৰছে। পাল বললে, চল, মাঠেৰ ধাৰ দিয়ে ঘূৱে আসি একটু ।

দুজনে এসে দাঢ়াল মাঠেৰ ধাৰে। দুধ-বৱণ জ্যোৎস্নাৰ মধ্যে সোনাৰ বৱণ মেঘে গা এলিয়ে ঘূমজ্জে । দুচোখ ভৱে দেখেও আশ মেঠে না ।

পাল বললে, যগন্দ !

—আ-হা-হা পাল, সাক্ষাৎ লক্ষ্মী শয়ে আছেন, তুমি দেখ ।

—তাই বলছি যগন্দ, এইবাৱ দিন ফিৰল, তুমিও দেখ ।

যোগেন্দ্ৰ কথাটাৰ ঠিক কি মানে তা বুৰতে পাৱলে না। পালেৰ মুখেৰ দিকে সে তাকিয়ে রইল ।

পাল বললে, এটা পঞ্চাশ সাল। গেল পঞ্চাশ বছৰ দুধেৰ কাল গিয়েছে যগন্দ, আসছে পঞ্চাশ বছৰ, দেখ তুমি, দুধেৰ কাল হবে, দেখ, আমি বললায়। এই ত্ৰিশ টাকা মণ চাল, এই মড়ক—এই গেল দুর্ভোগেৰ শেষ। এইবাৱ, দেখ তুমি মাঠেৰ দিকে তাকিয়ে, মা-লক্ষ্মী

ଆବାର ଏଣେନ ।

ଯୋଗେନ୍ଦ୍ର ଅବାକ ହସେ ଚେଯେ ଝିଲ୍ଲ ।

ପାଳ ବଲଲେ, ଦେଖ ତୁମି, ଆବାର ଆଗେକାର ମତ କାଳ ଆସବେ । ବହର ବହର ଜଳ ହବେ । ଶାଠ ଭବେ ଧାନ ହବେ । ଆବାର ସବ ଜେମନିଇ ହବେ । ବ'ସ ।

ହଜନେ ବସଲ ସେଇ ଶିଥିରେ ଭେଜା ଶାଠେର ଆଲେର ଧାସେର ଉପର ।

ପାଳ ବଲଲେ, ସାଧେ ବଲେଛିଲାମ ସଗନ୍ଧ, ଲକ୍ଷ୍ମୀର ବ୍ରେତେ ଏବାରେ ଭାସାନେର ଗାନ କରବ । ଏବାର ମା-ଲକ୍ଷ୍ମୀ ପାଇଁ ହେଟେ ଏସେହେନ । ଅନେକଦିନ ପରେ ସତି ପୌର-ଲକ୍ଷ୍ମୀ ହବେ ।

—ତା ବଟେ ।

—ଆର ଏକଟୁକୁନ ଲେବେ ନାକି ?—ପାଳ ଆବାର ବେର କରଲେ ବୋତଳଟା, ଆର ଗୋଲାସଟା ମୁଖେ ଲାଗାନୋଇ ଆଛେ ।

—ଦାଓ । କିନ୍ତୁ—

—କିନ୍ତୁ କି ?

—ମା-ଲକ୍ଷ୍ମୀ ଆବାର ଗନ୍ଧ ସହିତେ ପାରେନ ନା । ହାଜାର ହଲେଓ ନାରାୟଣେର ଲକ୍ଷ୍ମୀ, ବହୁମେର ସରେର ବଡ଼ ?

—ହଁ ।—ଏକଟୁ ଭେବେ ପାଳ ବଲଲେ, ତା ବଟେ । ତା—

ଯୋଗେନ୍ଦ୍ର ବଲଲେ, ବୁଝେ ଦେଖ ତୁମି ।

—ଧାନ କାଟା ହସେ ଧାକ, ତାରପର ଆର ଛୋବ ନା । ବୁଝଲେ ? ଦେଖଛ ତୋ ଧାନ । ଏବ ଜୋର ତୋ ବୁଝତେ ପାରଛ । ନଇଲେ ତୁଳବ କି କରେ ? ନାଓ ।—ନିଜେ ଖେଯେ ପାଳ ଗୋଲାସ ବାଡିଯେ ଦିଲେ ଯୋଗେନ୍ଦ୍ରର ଦିକେ ।

—ତା ବଟେ ।—ଯୋଗେନ୍ଦ୍ର ହାତ ବାଡିଯେ ନିଲେ ଗୋଲାସଟି । ଜୋର ଅହୁତବ କରଛେ ସେ । ପାଳ ମିଛେ ବଲେ ନାହିଁ, ତୋରେ ଏକଟୁ ଖେଯେ ଶାଠେ ବେର ହଲେ ସେଓ ପାଲେର ମତ ଧାନ କାଟିତେ ପାରବେ । ଗୋଟା ଶାଠଧାନା ଧାନେ ଥିଥିଇ କରଛେ । ଏ ଧାନ ନଇଲେ ତୁଳବେ କି କରେ ?

—ଆର ଏକଟା ମନେର କଥା ବଲି ତୋମାକେ । ଏ ଖେଯେ ଯୋଗେନ୍ଦ୍ରର ଗାଁରେ ଜୋର ଆର ଏକଟୁ ବେଡ଼େଛେ ମନେ ହଲ । ସେ ଗଲାଟା ସଖିରେ ବେଶ ସବଳ ଜୋହାନେର ମତ ବେଡ଼େ ନିଯେ ମନେର ସାହିତ୍ୟରୀ ଧୂତ ଫେଲେ ବଲଲେ, କି ?

—ଓହି ଚେକା—

ଯୋଗେନ୍ଦ୍ର ତାର ମୁଖେର ଦିକେ ତାକାଲେ ।

—ଓହି ଚେକାର ଧାନ କେଟେ ସବେ ତୋଳାର ଆଗେ ଆମାକେ କେଟେ ସବେ ତୁଳତେ ହବେ । ଆମାକେ ବାହି ଟୁକେ ଯାଉ ହେ । ଓଃ ।

—ତା ବଟେ ।

—ଦିନାଂକାଓ ନା । ସକଳେଇ ସୁସମ୍ମ ଆସଛେ ଏହି ପଞ୍ଚାଶ ସାଲ ଥେକେ । ଓର ଭିନ୍ନକୁଟି, ଟାକାର ଗରମ, ଧାନେର ଗରମ ଏହିବାର ଭାଙ୍ଗବେ । ମା ଏସେହେନ, ତୁମି ଦେଖ ସଗନ୍ଧ । ଏହିବାରେଇ ଦେଖ, ଦେନା-ଦୁନି ଶୋଧ କରବ ଆମି । ଧାଜନା-ଦେନା ଏକ ପରସା ବାକି ରାଖବ ନା । ଯା ଧାକବେ,

থাকবে তোমার অনেক—বিষে ছুঁই চার বিশ তো ফলবেই, কি বল ?

—তা খুশ !

—ভাহলেই, আমি হিসেব করেছি, সব দিয়ে-থেরে পৌঁটি তিনেক থাকবে। তিন ভাগ করব—বুলে ? তিনটি গোলা। একটি সরস্বতীর, একটি লক্ষ্মীর, একটি আমার। এই আমার বরাবর চলবে। এখনও বছৱ বিশেক বাঁচব আমি, খুব বাঁচব। ছটো গোলা নিষিট রেখে দেব আমার কষ্মের জন্তে। বাকি যা থাকবে, ওয়া যা খুশি তাই করবে।

যোগেন্দ্র বললে, ভালো যুক্তি, ভালো যুক্তি। আমাকেও এখনই বন্দোবস্তু করতে হবে।

—করতে হবে নয়, করে ফেলাও।

—কাল ভোরে যখন যাবে মাঠে, ডেক আমাকে। আর বোতলটা বরং নিয়ে এস, এক ঢোক না থেরে যেতে পারব না মাঠে !

পাল বললে, আসব।—তারপর হঠাৎ যেন তার কথাটা মনে পড়ল, বললে, হ্যা, একটা কথা বলতে ভুলেছি।

—কি ?

—এর ওপর দুধ ভালো নয়। দুধ থাও তো বিকেলে খেও। এর পর ভালো হ'ল মাংস। তা ভাই, সে তো উপায় নাই। মাছটা বেশি খেও।

—মাছ ?—যোগেন্দ্র হাসলে।—পাব কোথা ?

—আঃ। জাল-টাল সব গিয়েছে হে। নইলে—। নইলে বাবুদের সাম্যরপ্তুরে সে-কালের ফিস্টর রাত্তের মত জাল ফেলে মাছ ধরা কিছু বিচ্ছিন্ন ছিল না মুকুদের পক্ষে। শরীরে তার যথেষ্ট জোর আছে। ওই চেকার চেয়ে জোরে ঘুরিয়ে জাল সে ফেলতে পারে—একথা সে বাজি রেখে বলতে পারে। বাবুদের পুরুষ কেন ? জাল থাকলে আজ চেকার পুরুষেই ফেলত জাল। সে একটা দীর্ঘনিখাস ফেললে।

যোগেন্দ্র বললে, ভোরে ডেকো যেন।

চার

মাঠ-থইথই-করা ধান মুকুল কেটে চলে জোয়ানের মত। হা-হা করে হাসছে। যোগেন্দ্রও কাটছে। সেও যেন তাকত অনেকটা কিনে পেয়েছে। অন্য সকলেও কাটছে। মুকুল-যোগেন্দ্রের মৃতসঙ্গীবনীর নেশাৰ জোর তাদেৱ নাই, কিন্তু ধানেৱ নেশা তাদেৱ পেয়েছে।

মাঠে মাঠে থাকবলী ধান ছোট ছোট ঘরেৱ মত আকাৰে সাজিয়ে রাখা হয়েছে। যেন মেলা বসে গেছে বলে মনে হচ্ছে দূৰ থেকে। গাড়িতে গাড়িতে সেই ধান কৰ্মে ঘৰে নিয়ে চলেছে সব। মুকুলেৱ কেলে সত্যিই সাবাস জোয়ান, মুকুল এবাৰ তাৰ ওই নাম দিয়েছে। সাময়ে টেনে চলেছে জোয়ান বলঘটাৰ ভাইনে থেকে। মুকুল গাড়িতে ধান বোৰাই

କରାଇଲ । ଦୁଖାନା ଜଗିର ଓପାରେର ଧାନାର ଉପର ଦିଯେଇ ପଡ଼େଛେ ଜଗି ବରାବର ଗାଡ଼ିର ରାତ୍ରା । ଏକଥାନା ଗାଡ଼ି ଚଲେଛେ, ହୈ-ହୈ କରେ ତାଡିଯେ ନିରେ ଯାଏଛେ ଗାଡ଼ି । କୋଠାଘରେର ମତ ଧାନ ବୋରାଇ କରେଛେ ଗାଡ଼ିତେ । ଧୂଳୋ ଉଡ଼ିଛେ । ଚେକାର ଗାଡ଼ି ଚଲେଛେ । ନଈଲେ ଏମନ ଗନ୍ଧ ଆର କାର ହବେ । ହୃଦୟ ଚେକାଇ ବଟେ । ଓହ ସେ ଗାଡ଼ିତେ ବୋରାଇ ଧାନେର ମାଧ୍ୟମ ବସେ ଆଛେ, ଚାଲେର ଘଟକାରୀ ହଞ୍ଚାନେର ମତ ।

—ହ କଣ୍ଠ—

ମୁକୁଳ ଦୀତେ ଦୀତ ଟିପେ ଧରେ ତାର ଦିକେ ଚାଇଲେ ଶୁଣୁ ।

—ହବେ ନାକି ?—ବାଇ ଟୁକରେ ଚେକା, ହି-ହି କରେ ହାସିଛେ ।

ପାଲ ଏକଟା ମାଟିର ଟେଲା ନିଯେ ଛୁଟୁଳେ, ଅବଶ୍ୟ ଅତ୍ଯଦିକେ ଛୁଟୁଳେ, ଛୁଟେ ବଲେ ଉଠିଲ, ଉ-ଲେ-ଲେ-ଲେ ।—ଅର୍ଥାତ୍ ହଞ୍ଚାନ ତାଡାଇଛେ ସେ । ସଙ୍ଗେ ସଙ୍ଗେ ହା-ହା କରେ ହେସେ ଉଠିଲ । ସେଇ ହାସି । ତାରପର ସେ ଦୁଇହାତେର ମୁଠୋତେ ଧରେ ଟେନେ ତୁଳାତେ ଲାଗଲ ଧାନେର ଆଁଟି । ଏବାରକାର ଧାନେ ତାର ଆଡ଼ାଇ ମୁଠୋଯ ବୀଧା ଆଁଟି । ଆଡ଼ାଇ ହାତ ତିନ ହାତ ଲମ୍ବା ଥିଲ । ଧାନ ତୁଳାଇଲ ଆର ହାସିଛିଲ ।

—ଯାଃ ଶାଳା !—ପାଲ ହାତେର ଆଁଟିଗୁଲୋ ଫେଲେ ଦିଯେ ଶିର ହୟେ ଦୀଢ଼ାଳ । ହାପ ଧରେ ଗେଛେ ହେସେ ।—ଶାଳାଃ । ଶାଳା ଚେକା । ଶାଳା ଆବାର ଲକ୍ଷ୍ମୀତେ ଅଳ୍ପପୂର୍ଣ୍ଣ ପୂଜା କରିବେ ଏବାର । ହିଂସୁଟେ ବାତମାସ । ରତ୍ନେର ତେଜ, ଜୋଯାନୀର ଦେମାକ, ଆର ଟାକାର ଗରମେ ଧରାକେ ସରାର ମତ ଦେଖିଛେ । ଏବାର ଲକ୍ଷ୍ମୀପୂଜୋଯ ବାରୋଯାରି ଥିକେ ଭାସାନ ଗାନ ହବେ ଟିକ ହୟେଛେ । ଓ ଅମନିଇ ଅଳ୍ପପୂର୍ଣ୍ଣ ପୂଜାର ଧୂରୋ ତୁଳେଛେ । ତୁଲୁକ । ଦଶେର ଲାଟି ଏକେର ବୋରା । ଦଶଜନେର ଟାନ୍ଦାୟ ହବେ ବାରୋଯାରି । ଓର ଏକାର ପୁଜୋ । ଦଶେଓ ଏବାର ଲକ୍ଷ୍ମୀଛାଡ଼ା ନୟ । ଉନୋ ଲକ୍ଷ୍ମୀ ଏବାର ଦୁନୋ ହୟେଛେ । ମାଠ ଭରା ଧାନେ ଧାମାର ଗୋଲା ଛୟଲାପ ହୟେ ଯାବେ । ଦଶ ଟାକା ମଣ ଧାନେର । ପଞ୍ଚଶେର ପର ଥିକେ ମା ଦୁନୋ ହୟେଇ ଆସିବେନ ବଚର ବଚର ।

‘ଏମ ପୌଷ, ବସ ପୌଷ, ଅନ୍ତ-ଜନ୍ମ ଥାକ; ଗେରନ୍ତ ଭରିଯେ ଥାକ, ଦୁଧେ-ଭାତେ ରାଖ ।’ ଏବାର ସେଇ ଦୁଧେ-ଭାତେ ରାଖାର ପୌଷ ଏମେହେ । ପଞ୍ଚଶ ବଚର ଦୁଧେର ପର ପଞ୍ଚଶ ବଚର ସ୍ଵର୍ଥ; ଏତଦିନ ପୌଷ ଏମେ ବାଉନିର ବୀଧିନ ମାପେ ନାହିଁ, ମାସ ମାସ ସେତେ ନା ସେତେ ଗୋଲା ଧାଲି ହୟେଛେ, ଧାନ୍ତନାୟ ମହାଜନେର ପାଓନାୟ ସବ କପ୍ରିରେ ମତ ଯେଇ ଉବେ ଗିଯେଛେ । ଆସିଛେ ବଚରେର ଖୋରାକିର ଅନ୍ତ ଆବାର ମହାଜନ ଟିକ କରିବେ ହୟେଛେ । ଏ ଗୌରେର ମହାଜନ ଓହ ଚେକା । ଓହ ଓହଇ ଦୋରେ ସେତେ ହୟେଛେ ମାତ୍ରକେ । ଏବାର ଯା ନମୂଳା ଭାତେ ଓର ଦୋରେ ଆର ସେତେ ହବେ ନା । ବଚର ବଚର ଯଜି ଏମନିଇ ପୌଷ ଆସେ, ମାଠ-ଧାଇ-ଧାଇ-କରା ଧାନ, ଧାମାର-ଭତ୍ତି ଗୋଲା-ଭତ୍ତି ଧର-ଭତ୍ତି କରା ପୌଷ, ତବେ ସେ ପୌଷ ଆର ଯାବେ ନା । ସେ ଜନ୍ମ-ଜନ୍ମାଇ ଥାକିବେ, ଗେରନ୍ତକେ ଦୁଧେ ଭାତେଇ ରାଖିବେ । ଛେଲେ-ପୁଲେ ଖୋରା-ପାଥର ଭରେ ଭାତ ଧାବେ । ଆବାର ହବେ ଏହି ଜୋଯାନ । ମୋଲ୍ଦ୍ୟାନୀରା ଓ ହବେ ଆବାର ଦଳମଳେ ଯେମେ, ତାଦେର ଏକ ଫୁଲେ ଶାଖ ବେଜେ ଉଠିବେ ଶିଖେର ମତ, ଏକ ଦୁପୁର ଟେକିତେ ପାଢ଼ ଦିଯେ କୁଟେ ତୁଲବେ ବିଶ ଦକ୍ଷଣେ ଧାନ । ଗୋଟା ବାଡ଼ିଟା ନିତ୍ୟ ନିକିଯେ

ତୁଲବେ ଗୋବର ଆର ରାଡ଼ା ମାଟିର ଗୋଲାୟ, ଘରେ ଧାନୀରେ ଚତୁଃସୌମୟ କୋଥାଓ ଥାକବେ ନା ଏତୁକୁ ଝୁଲ, କି ପାତା, କି କୁଟୋ, କି ମୟଳା । ପୌଷ ସଂଜ୍ଞାନ୍ତିର ତୋର ବାତେ ତାରା ସଥିନ ପ୍ରଦୀପ ଝେଲେ, ଧୂପ ଦିଯେ, ରଙ୍ଗ-କରା ଚାଲଙ୍ଗିଙ୍ଗୋର ଆଲପନା ଏଁକେ, ଶୁଦ୍ଧ କାପଡ଼େ, ଶୁଦ୍ଧ ମନେ ପୌଷକେ ବଲବେ— ପୌଷ ପୌଷ ପୌଷ ବଡ ଘରେର ମେବେର ଉଠେ ବସ—ପୌଷ ତଥିନ କି ସେତେ ପାରବେ ? ପଞ୍ଚାଶ ସାଲ, ଶରେ ଶୁନ୍ତେର ଅର୍ଧେକ ହଳ ପଞ୍ଚାଶ—ଏଟା ହଳ ସର୍ବନାଶେର ବଚର । ହସ୍ତେରେ ସର୍ବନାଶ, କାଳ ଯୁଦ୍ଧ ନାକି ଲାଖେ ଲାଖେ ମାହୁସ ମରେଛେ, ତିରିଲ ଟାକା ମଣ ଚାଲ, ମଣ-ପନରୋ ଟାକା ଜୋଡ଼ା କାପଡ଼, ଝବ ନାଇ, ଚିନି ନାଇ, ଓସୁ ନାଇ, ଦେଶ-ଭାସାନୋ ବାନ, ରୋଗ-ମର୍ଦକ, ସର୍ବନାଶେର ଆର ବାକି କି ? କିନ୍ତୁ ଅତି ମନ୍ଦର ପରେଇ ନାକି ଭାଲୋ ଆଲେ, ଶୁକନୋ ଗାଛେ ଫୁଲ ଫୋଟାର ମତ ଏବାର ସେଇ ଆଶୋର ନମ୍ବନା ଦେଖା ଦିଯେଛେ ଶାଠ-ଭାବା ଧାନେ । ପାଲେର ଅକାଟ୍ୟ ଧାରଣା ଭାଇ । ଭାଲୋ ବଚର ଏହିବାର ଥେକେ ଆରଞ୍ଜ ହଳ । ନିଶ୍ଚର—ନିଶ୍ଚର—ନିଶ୍ଚର । ଏହି ଚୈଅନାଗାନ ଯୁଦ୍ଧ ମିଟେ ଯାବେ, ରୋଗ ଏହି ବସନ୍ତେର ବାତାସ ବହିଲେଇ ଦୂର ହବେ । ଶ୍ଵାଭାସେର ମୁଖେ ରୋଗ କତକଣ ? ଶୁସମୟ ଏଲେ, ଦୁଃଖ ଅଭାବ ସବ ପାଲାୟ, ଆଲୋ ଫୁଟିଲେ ଦୁଃଖପ୍ରେର ମତ ।

ପାଲ ଆବାର ତୁଲତେ ଆରଞ୍ଜ କରଲେ ଧାନେର ଅଣ୍ଟି । ହାପଟା ଏହିବାର ଗିଯେଛେ । ଧାନ-ପାନ ତୁଲେ ସେ ଏକେବାରେ ଯାବେ ପାରିଲେର କବରେଜେର କାହେ । ଚିକିତ୍ସା କରାବେ । ଶରୀରଟାକେ ତାଜା କରନ୍ତେ ହବେ । ବସ ଅବଶ୍ୟ ହସ୍ତେ, ତବେ ଯାଟ ବଚର କି ଏମନ ବସ ? ତାର ବାବାର ଜ୍ୟାଠୀ ଯାଟ ବଚର ବସେ ଫେର ବିଯେ କରେଛିଲ ; ସେଇ ଜୀର ତିନ କଣେ ହୟ । ଶୁଦ୍ଧ ତାଇ ନୟ, ସେ ଜ୍ଞାନ ସଥିନ ମରେ, ତଥନେ ବୁଡ୍ଡା ବୈଚେ ଛିଲ, ତାରପରଓ ସେ ମାଠେ ଯେତ । ବୀଚତେ ତାକେ ହବେ । ସର୍ବର୍ଥ ଥାକନ୍ତେ ହବେ । ସରସ୍ବତୀର ଛେଲେଟାକେ ମାହୁସ ନା କରେ ସେ ମରନ୍ତେ ପାରବେ ନା । ନା ହଲେ ଓହି ଚେକାଇ ସର୍ବନାଶ କରେ ଦେବେ । ସରସ୍ବତୀର ଉପର ନଜରଓ ସେ ସେ ନା ଦିତେ ପାରେ, ଏମନେ ନୟ । ହସହସ କରେ କରେ ସେ ଧାନ ତୁଲତେ ଲାଗଲ ।

ଆବାର ହୈ-ହୈ ଉଠେଛେ । କାର ଗାଡ଼ି ଆମଛେ । କିନ୍ତୁ ଗାଡ଼ି କହି ? କୋଥାଯା ? ତବେ ? କି ହଳ ? କାର କି ହଳ ? କାନ ଧାଡ଼ା କରେ ପାଲ ଶନଲେ, କୋନ ଦିକ ଥେକେ ଆମଛେ ହୈ-ହୈ ଶକ୍ତା ? ଗ୍ରାମେର ଦିକ ଥେକେ ମନେ ହଞ୍ଚେ । କାର କି ହଳ ? ବୁକ୍ଟା ତାର ଧଡ଼ାସ କରେ ଉଠିଲ । ସରସ୍ବତୀର ଛେଲେଟା—ପାଲ କ୍ରତ୍ପଦେ ଚଲନ୍ତେ ଆରଞ୍ଜ କରଲ ।

—କେ ? କେ ହେ ? ଓହେ !—ଏକଟା ଲୋକ ଗୌରେର ଭେତର ଥେକେ ବେରିଯେ ଜୋର ହାଟରେ ଚଲେଛେ କୋଥାଯା ।—କେ ହେ ?

—ଆମି ଶଶୀ ।

—ଗୌରେ ଗୋଲ କିମେର ?

—ବୁନ କାକା—

—କି, କି ହଳ ?

—ବୁନକାକା ମାରା ଗେଲ । ଧାନେର ପାଲୁଇ ବୀଧତେ ବୀଧତେ, ବୁକେ କି ହଳ ବଲେ, ବାସ । ଆମି ଚଲାଯ କାକାର ଜାମାଇକେ ଡାକନ୍ତେ ।

ବୁନ ପାଲ ମରେ ଗେଲ । ମୁକୁନ୍ଦଦେବ ଦଲେର ଲୋକ ସେ । ଏକବୟସୀ । ଭାଲୋ ଲୋକ—ବନ୍ଧୁ

ଶୋକ । ତାମାନେର ଦଲେ ସାଜିତ ନାରାନ ମୁଣି । ଦିନ ରାତି ହରି କରେଇ ସାରା ହତ ରମନ । ପାଲେର ଚୋଥେ ଜଳ ଏଲ ରମନକେ ଘନେ କରେ । କିନ୍ତୁ ଏହିଟୁକୁ ଜୋରେ ହେଠେଇ ଆବାର ହାପ ଧରେଛେ । ଏକଟୁ ମୃତସଙ୍ଗୀବନୀ ହଲେ ହତ । ତାଳୋ ଓସୁ । ବାର ବାର—ବାର ବାର ମୁକ୍ତନ ରମନକେ ବଲେଛିଲ, ରମନ, ଓସୁଟୋ ତାଳୋ ଓସୁ, ଥାଓ । ନଈଲେ ପାରବେ ନା । ରମନ ବଲେଛିଲ, ଛି । ନା । ନାରାୟଣ । ଆମାର ଗୋବିନ୍ଦ ଆଛେନ ।—ମୁଁ—ମୁଁ । ଗୋବିନ୍ଦ ଓସୁ ଥେତେ ବାରଣ କରେନ ନା, ଆର ସଦିଓ କରେନ, ତବେ ଥାଓ ଧର୍ମ ନିଯେଇ ସ୍ଵର୍ଗେ ଥାଓ ।

ପାଲ କିରଳ ମାଠେର ଦିକେ । ଧାନ ପଡ଼େ ଆଛେ, ଗର ବୀଧା ଆଛେ । ଆଜ ଏ କ୍ଷେତ୍ରେ ଧାନଟା ତୁଳିତେଇ ହବେ । ଶୁଦ୍ଧ ତୋଳା ଏସ, ଆଜ କତକଟା ଧାନ ପିଟେ, କିଛୁ ଧାନଓ ବିକିରି କରନ୍ତେ ହବେ । ପୌଷେର ଆଜି ହଲ ଚରିଶେ । ଜୟିଦାରେର ଲାଟିବନ୍ଦୀ ଯାବେ ଆଟାଶେ । ତାର ଆଗେ ଥାଜନା କିଛଟା ଦିତେଇ ହବେ । ସେ ନା ଦେଓଯାଟା ଦାରଳ ଅନ୍ତାୟ । ଚିରକାଳ ଦିଯେ ଏସେଛେ । ତା ଛାଡ଼ା ଲକ୍ଷ୍ମୀର ଆସ୍ତୋଭନ ଆଛେ । ସରସ୍ଵତୀର କାପଡ଼ ଛିନ୍ଦେଛେ, ଲକ୍ଷ୍ମୀରୁଙ୍କ କାପଡ଼ ଚାଇ, ନିଜେରୁ ଚାଇ, ସରସ୍ଵତୀର ଛେଲେର ଏକଟା ଦୋଗାଇ ଚାଇ । ପୂଜା ଥେକେ କାପଡ଼ ହୟ ନାହିଁ । ସେ ଆବାର ମାଠେ ଏସ ଧାନ ବୋବାଇ କରନ୍ତେ ଲାଗଲ । ହସହସ କରେ ବୋବାଇ କରେ ଚଲି ଧାନ । ବାପ ରେ, ବାପ ରେ, ଧାନ ଆର ଶେଷ ହବେ ନା ଯେନ । ଏ ଗାଡ଼ିତେ ଆର ଧରବେ ନା । ବୋଧ ହୟ ଏହି ବେଶି ହୟେ ଗେଲ । ବୋବାଇ ଧାନେର ଉପରେ ବୀଶଟା ଦିଯେ ଶନେର ରଶ ଟେନେ କଷେ ବୀଧିତେ ବୀଧିତେ ଏକବାର ଭାବଲେ ପାଲ । ବେଶି ହୟେଛେ କିଛୁ । ତା ହୋକ । ପରକଣେଇ ସେ ହାସଲ । ବେଶି ? ହାୟ ରେ କଲିକାଳ । ସେ ଆମଲ ହଲେ—ହାୟ, ହାୟ, ହାୟ । ସେ କାଳ କି ଆର ଆଛେ ? ସେ ଆମଲେ ପାଲେର ଏକବାର ଏକଟା ବଳନ ହଠାତ୍ ମରେ ଗିଯେଛିଲ, ଏବନିହି ଭତ୍ତି ଧାନ ତୋଳାର ସମୟ । ଗରର ଜନ୍ମ ଧାନ ତୋଳା ବକ୍ଷ ଛିଲ ନା ପାଲେର । ଏକ ଦିକେ ଗର ଜୁଡ଼େ, ଆର ଏକ ଦିକେ ନିଜେ ଦୁଇ ହାତେର ଥାଜେ ଜୋଯାଳ ଧରେ ବୁକ ଦିଯେ ଟେନେ ତୁଳେଛିଲ ଧାନ । ଆର ଆଜ ? ଏ ଧାନ କଟା ନା ହଲେ ଚଲବେ ନା ଯେ, ବରଂ ଆରଙ୍କ ଚାରଟି ହଲେ ତାଳୋ ହତ । ଥାଜନା, ଲକ୍ଷ୍ମୀର ଉତ୍ୟୁଗ, କାପଡ଼ । ବୀଶଟା କଷେ ପାଲ ନିଜେ ଗାଡ଼ିର ମୁଖଟା ଏକବାର ତୁଳେ ଦେଖିଲେ । ଛି ବେଶି ହୟେଛେ ।—କି ରେ କେଲେ ? ପାରବି ନା ବେଟା ?

କେଲେ ନିଜେର ନାମ ବେଶ ବୁଝିଲେ ପାରେ । ପାଲେର ଦିକେ ଚେଯେ ସେ ଫୋସ କରେ ଉଠିଲ । ପାଲ ହାସଲେ, ହ୍ୟା, ପାରବି । ତୋର ଜନ୍ମେ ତୋ ଭାବି ନା ରେ । ଭାବନା—ଓଇ ମର୍କଟ ଜୋଯାନଟାର ଜନ୍ମେ । ବେଟା ଆମାର ଜୋଯାନ । ପାରେ କେବଳ ଶିଂ ନାଡ଼ାତେ । ନେ, ଚଲ ଦେଖି । ଆଜ ତୋମାରଇ ଏକଦିନ କି ଆମାରଇ ଏକଦିନ । ଆପନ ମନେଇ ପାଲ ଗର ଦୁଟୀର ସଜେ ବକତେ ବକତେ ଗାଡ଼ି ଜୁଡ଼ିଲେ । ଧାନେର ଗାନ୍ଧାୟ ଲୁକାନେ ଛିଲ ସଙ୍ଗୀବନୀ ବୋତଳଟା । ଏକ ଢୋକ ଥେଯେ, ଶରୀରଟାଯି ଚାଡା ଦିଯେ ନିଜେର ଶକ୍ତିଟା ଅନୁଭବ କରେ ନିସ୍ତରେ ବଲିଲେ, ଚଲ, ଚଲ, ବେଟା । ହ୍ୟା, ହ୍ୟା, ହ୍ୟା ।

ଗାଡ଼ିର ଜୋଯାଳଟା ଗର ଦୁଟୀର କାଥେ ଚେପେ ବସେଛେ; କେଲେର ପିଠ ଧରିକେର ମତ ବୈକେଛେ, ପିଛନେର ପା ଦୁଟୀର ଠେଲା ଦିଯେ ତାରେର ମତ ମୋଜା କରନ୍ତେ ଚାଇଛେ ସେ । ଧାଡଟା ଟାନେର ଚୋଟେ ଲସା ହୟେ ଉଠିଛେ । ନଡେଛେ । ସାବାସ ବେଟା । ଆଜା । ଜୋଯାନଟାଓ ଟାନଛେ ।—ବଲିହାରି, ବଲିହାରି ରେ ବ୍ୟାଟା । ବାପ ରେ—ଧନ ରେ—ମାନିକ ରେ । ହ୍ୟାୟ—ହ୍ୟାୟ—ହ୍ୟାୟ !

গাড়ি চলেছে—গাড়ির উপর কোঠা ঘরের মত বোরাই করা ধান ছুগছে—মা লক্ষ্মী হলে দুলে চলেছেন তার ঘরে।

গাড়িটা খেয়ে গেল, শব্দ হল একটা ধ্যাচ করে। একটা আলের কাটে চাকা আটকে গেল। বাঁ দিকে জোয়ান গঞ্জটাকে ভাড়া দিয়ে পাল বললে, শালা, ভাত খাবার যথ তুমি!—সে কয়ে দিলে এক পাঁচন-শাঠির বাড়ি। গঞ্জটা টানলে। চাকাটা নড়ল। কিন্তু ওদিকের নড়ল না। কেলে টানছে; মুখ দিয়ে ফেনা ভাঙছে তার, কিন্তু চাকা নড়ছে না।

—কেলে, লে বেটা, লে। হ্যাঁ-হ্যাঁয়। কেলে।

চাকা নড়ছে না। কেলে পারছে না টেনে তুলতে।—কেলে। কেলে। পাল খেয়ে নিলে আর এক ঢোক। শরীরটাকে আর একবার চাড়া দিলে। তাবপর চাকার কাঠ দুই হাতে ধরে বুক দিয়ে ঠেলতে আরম্ভ করলে—দাতে দাতে কয়ে টিপে। পাকা শাল-খুঁটির মত পালের সর্বাঙ্গ শক্ত হয়ে ঝুঁটল। উঠেছে, হাঁ, উঠেছে। বছত আচ্ছা। উঠে গেছে গাড়িধারা। আবার চলেছে। পালের বুকে, হাতে, মুখেও লেগেছে চাকার ধূলো। শরীরটা যেন সেকালের শরীরের মত ফুলে উঠেছে। হ্যা, ঠিক হ্যায়। সে জোয়ানই আছে। শু হাঁপ ধরেছে। ধানিকটা বুকের ভিতরটা ধড়ধড় করেছে একটু বেশি। হ্যা, একটু বেশি। পাল একটা দীর্ঘনিখাস টেনে নিয়ে সোজা হয়ে দাঢ়াল। গাড়ির উপরে ধানের বোরাই ঠিক আছে। হেলেছে দুলেছে। উঃ। বুকটা নিয়ে সোজা হওয়া যাচ্ছে না। এ কি। এ কি হল? আঃ, মাঁক দিয়ে গড়াচ্ছে গরম? আঃ, বুকের ভিতরটা! এক হাত বুকে দিয়ে, আর এক হাতে পাল নাকটা মুছলে। এ কি! এ যে রক্ত! এ কি! থরথর করে কেঁপে উঁটল পাল। বুকের ভিতর কেমন করছে! চারিদিক কেমন হয়ে আসছে। টাঁদমী রাঁতের বকের পালকের মত রঙের মলমলে ঢাকা মা-বস্ত্রভৌমি—। এ কি! তার এ কি হল? সরস্বতী, তার ছেলে, লক্ষ্মী, মাঠ-ভরা ধান, এ ফেলে—। সে দুই হাতে আঁকড়ে ধরলে তার গাড়িতে বোরাই ধানের আঁটির ডগা। আঁটির ডগায় ফলস্ত ধান। জোরে, সজোরে চেপে ধরলে। নষ্টলে পড়ে যাবে যে। গাড়ি চলছিল। পালের দুই হাতের মুঠোর মধ্যে ছিঁড়ে এল মুঠা-ভূতি ধান। গাড়ি চলে গেল। পাল মাটিতে পড়ে গেল মহাপ্রহানের পথে ভৌমের মত। বারকতক পা দুটো ছুঁড়লে—নাকটা মুখটা ঘষলে ক্ষেতের ধূলার উপর, এক মুখ ধূলা কামড়ে ধরলে বাঁচবার ব্যগ্রতায়। রক্তে মাটিতে মিশে একাকার হয়ে গেল। ধান-ভরা মুঠা-বীধা হাত দুখানা প্রসারিত করে দিয়ে সমস্ত আক্ষেপ তার শুক হয়ে গেল পরমহৃতে।

সংক্রান্তির শেষরাতে পালের বাড়িতে পৌষ আগস্তাতে উঠে সরস্বতী লক্ষ্মী শু কাঁদলে। কাঁদতে কাঁদতেই কোন রকমে পৌষ পূজার ছড়া বললে। শাঁখটা বাজাতে গিয়ে বাজাতেই পারলে না।

শোগেন্দ্র উঠে বসে ছিল ঘরে চুপ করে। রমন ঘরেছে, মুকুল ঘরেছে, এইবার—সে হড়াম করে খোলা আনাশাটা বন্ধ করে দিলে।